

# *AMASHINA YA MIPONTO*

 Ndekutotela, Munyina Neville. Ici cili nge ca—ca kupumikisha kuli ine. Nshaciba nokuba kuno ileelo. Lelo, buno ubushiku bushiku bwa mulalilo, kibili Na—kabili Ine Nacitontonkanya ukupitila kuno muno lucelo. Kibili Nacitumina Munyina Neville, nao acitila, “Ukuba, nomba, ngacakuti uleisa kuno,” acitila, “cinshi teti ulandilekofye naifwe panono?”

<sup>2</sup> Kibili Nacitontonkanya ukutila, ukuba, ngacakuti Naisa, nga cintu icingacitwa, Nshashimikile, lelo kuti natemwafye ukulanda ku chalichi pa kashita akanono pafintu ifyo, mwaishiba, fintu Ndetontonkanya fинга koselesha ichalichi.

<sup>3</sup> Ifwe elyo twabwelelefye ukufuma ukwesu—ukufuma kukulunga kwesu ukwa mupepi no mupepo, ba munyina na Ine, pano, kibili twakwete inshita iyakuipakisha. Ifwe—ifwe tuletotela nganshi, ifwe bonse natwisusha, kobili—kabili twasangile inama ya mpanga yesu intu twalelungapo. Kibili—kibili kakumba wesu na Ine twalishiba ukuti inama ya maliila yaba sana, isuma sana. Kibili eico ifwe twabambileko insebula ishisuma. Kibili Naipeye cibuli ne nsenbula shibili. Kibili ifwe twabwelele.

<sup>4</sup> Kibili uyu uwfile ukuba emuku wakubalilapo untu Mfwile ukulanda pali filya Ifikakatikilo cine lubali ifyakulekelesha. Kibili bena tabapekenye ichalichi. Kibili kuli icintu cimo, ica kucilinganya, icalengele. Ico, Ndetontonkanya umusumba uletupela inshita iya afya, pamulandu wakukana kwata incende iilingile iya kubikamo ba motoka ba mpendwa yabantu abo ifwe...abo ichalichi cikakwata.

<sup>5</sup> Tulefwaya i chalichi icipya ukwimikwa kuno, kibili natukwata iciputulwa icisuma icandalama ishapekanishiwa libela, kibili—kabili kukupanga i—i chalichi icikulileko. Lelo ilintu twakwete aya mapepo, mulandunshi, namwishiba fintu cabu. Cintu cimo icabulanda nganshi. Abantu bali mufibumba, kunse mumfuba, kibili—kabili—kabili cintufye icabipa. Kibili nangu kususha kufuma kubanandi. Batile, “Munyina Branham, cilemoneka kwati bena...” Dokota umunandi, atile, “Cilemoneka kwati kuti iwe wasanga incende imo.” Atile, “Naumfwa ubulanda, lintu bena balepita po.”

<sup>6</sup> Nursi umwina mupalamano, atile, “Cinshi, Naishile palya ulucelo lomo pa faifi koloko. Iwe walefwaikwa ukuba kulya...” Kibili atile, “Abantu balikalekale balekolongana palya pa chalichi kulya, pa faifi koloko mulucelo. Iwe wali nokuba kulya pa hafu pashiti naini.” Eico, mwamona, kibili cena cicilenga ukukosa.

<sup>7</sup> Kibili tulefwaya ichalichi icikwete incende, kibili umo umuntu onse engekala. Kibili ifwe tuletontonkanya ukuti tuleikalila munshiku shakulekelesha, tulecetekelefyo. Apo epo... Ifwe tufwile ukulafunda i Chalichi pa—pa—palwa ifi fintu, filefikilishiwa, ifintu ifyasesemwa, fimo muli fyena, imyaka amakana. Kibili nakuba pa myaka amakumi yabili na isano nangu amakumi yataatu, muno mwine mu chalichi, ifya sesemwe, ukwisa citika. Kibili ifwe tulemona cena ukwisa nokucitika. Eico tufwile ukulapituluka muli ifi fintu, lelo tatukwete incende iikulu. Eico muno lucelo...

<sup>8</sup> Nalelanda pali lamya nefintu, mailo, kibili Ndinokutuma nakabili, muno cungulo kasuba, nafimbipo. Kibili nomba Nacikwata abantu bamo abacilafwaya ukwingilamo, umwaice umusuma, uyo uuli nobwafya mumatontonkanyo, munyina kapyunga mwibala. Kibili nabambi abengi abali ngefyo, namunyina ukufuma ku Norway. Kibili—kibili twacikwata ukulanshanya kulya mumuputule wakunuma. Kibili Nacitila, "Ukuba, nomba, twalafuminafye kunse."

<sup>9</sup> Kibili Munyina Neville acitila, "Ukuba, twalafuma nokusosa amashiwi ayanono ukukoselesha i Chalichi panono." Uwa...

<sup>10</sup> Cimo pafintu fyakubalilapo fintu Ndefwaya ukusosa. Nalembele ifintu fimo apa pepepala, fintu, ilintu Naisa ku chalichi, ifyo Nalefwaya ukusosa. Icintu cimo Nalembele apa cali palwa kufwa kwakwa Munyinefwe uwacikuku Taylor ilintu twafuminepo.

<sup>11</sup> Munyina Taylor aleisa kulli cino chalichi imyaka ne myaka. Bonse ifwe twalimwishibe, Ndeshininkisha. Ngacakuti mwaleba abeni bamo muno, caleba ni ulya uwatemwikwa shibantu lyonse uwale musangila icipuna, cakwikalapo. Munyina Taylor, nomba umuku wakulekelesha Namumwene, mpaka Nkamumone umulumendo, ena ali naiminina palya pamwinshi limbi ba i Milungu itatatu nangu inne iyapitapo. Ena atile, "Kuti Natemwa ukukwatako amabuuku yamo, Munyina Branham. kuti Natemwa ukusabankanya amabuuku aya." Eico ifwe, ena...

<sup>12</sup> Ico Njishibe cakutila, ali nobulwele bwashuka kibili aali icitu, kibili tacitile... ukwabula ukwishiba ukuti aali nobulwele bwashuka. Kibili—kibili aali... Alifwile. Tafwile. Ailefye mukuba na Shikulu Yesu.

<sup>13</sup> Kibili aali uwacishinka, munyina umusuma, lyonse uwalesakamana pa bantu bambi. Kibili nokufwaisha kwakwe kwali kwesha ukusangila umuntu umo incende apakwikala, lintu bena baisa kuchalichi. Kibili imwe namwishiba, nalimo, ilintu ifwe tukabukila kwishilya lya Mulundu, tekuti ciwame ukumona Munyina Taylor kulya, ukutusangila incende apakwikala, kulubali lumbi?

<sup>14</sup> Ndetontonkanya, mu kwibukisha Munyina Taylor... Nshali kuno mukucilanda pamo na Munyina Neville, pa cililo cakwe, lelo Ndefwaya ukusosa ishiwi lyakutasha kwandi, kuli mukamfwilwa wakwe. Nkashi Taylor, Ndemona, ali muno pancende imo muno lucelo, upalwe umutima wakwe wanakila!

<sup>15</sup> Munyina Taylor, ubushiku bumo atile, "Isa kuno umone. Nalikwata icishiba cinono icaimbwa kulya, nalibikamo isabi, eico kuti waisa nokulobamo." Lyonse uwasakamana pamuntu umbi. Kibili kwaliko Umuntu umo uwamusakamene, uyo ali Kristu, ukumupela ipusukilo.

<sup>16</sup> Ndetontonkanya, mucibukisho, nakuba, ukwachalichi iyi, lintu cakolongana ngo mubili muno lucelo, natwiminine capamo, twinike imitwe yesu kucinso cakwa Lesa.

<sup>17</sup> Mwe Shifwe wa mu Myuulu, ifwe nga bantunse muno lucelo, kibili ba—bakesa kuli iyi ncende ya kushinshimwinako... Ukuboko kwenu kukalamba nakwenda pakati kesu nokusenda ukufuma pali ifwe umo pali bamunyinefwe batemwikwa untu twatemwa, kibili ukwishiha ukuti Mwali mutemenwe. Kibili Imwe muli nobwasuko pali fyonse ifi, Shikulu, nga tacacitike muli iyi nshila, ukwishiha ukuti Baibele yesu ilatweba, ukuti, "Ifintu fyonse fibombelako capamo kukuletako ubusuma kuli abo abatemwa Lesa." Kibili ico ena acitile.

<sup>18</sup> Kibili tuleolesha ukushinguluka, mwisonde, nokusanga ububumbo munshila yonse ukulanda kuli ifwe, ukuti inshinshi tekuti imwikatilile, pantu pesonde abombele umulimo untu Mwamutumine kuno ukucita. Ena aali umusuma, munyina uwanakila.

<sup>19</sup> Ifwe tusanga ico mubumi bwafimena, namubumi bwa kasuba akatula ulucelo kukupela ifwe ulubuuto. Kibili pakati kakasuba kaba pakati kakukula. Kibili lyena icungulo kafwa nakabili, ukwisa tulafye nakabili ulucelo lukonkelepo, akateku kibili akapya, pantu kena kabombele umulimo wakwa Lesa.

<sup>20</sup> Tulemona amaluba lintu yabalula nokuyemfyre sonde nokuyemfyra imiputule yakuloseshamo, nencende shabwinga, kibili yabomba umulimo wayako; ukwisula umutima waciko nokupela, ukwabula amalipilo, ubuci kulushimu, necena canunka bwino ku ulepita, ukuyemba kuulefwaya. Ukupela fyonse cena cikwete, mukubombela Lesa, elyo cakontamika umutwe waciko uunono. Lelo ilintu inshita yakutuuta iluba yafika, lyaima nakabili, pantu lyena lyabombele umulimo wakwa Lesa.

<sup>21</sup> Lyena mucinso cabubumbo bonse, na Baibele, ubulayo, no Mupashi wa Mushilo, ifwe nensansa kuti twaanga mumitimia yesu, ukwishiha ukuti Munyinefwe Taylor, cimocine, Shikulu, abombele umulimo wakwa Lesa. Kibili ukusosa ukuti ena takeme nakabili kuti kwaba ukukana Baibele yesu, Lesa wesu, nefintu fyonse fintu Lesa apela kuli ifwe ukuloleshako,

ukwishiiba ukuti kwaliba ubututubuko. Eico ifwe tulelolesha kunshita ilintu tukamumona nakabili, lintu akaba umwaice kabili uwabumi busuma nokukana lwala nangu ukukota.

<sup>22</sup> Paalen i umukashi wakwe uwatemwikwa, ulya umwinamwakwe uwanakila. Ifyo ifwe tukabafuluka, panshita, Shikulu, lintu tulebamona ukuya pamo kucishiba, nokwikala patupuna tunono kulya, baleloba, nokulanda, kabili ifyo bali abatemwana icinecine.

<sup>23</sup> Kibili natwishiiba ukuti eko buli Ubushiku bukalamba ubuleisa, ilyo impalume shacacetekelo shikenda ukupita pacipata cikalamba cakucimfyia, naba Malaika ba...nenyimbo bakesula mulwelele. Ifwe tukabamona nakabili muli ilya ncende.

<sup>24</sup> Mpaka ilyo, Shikulu, tupeleni ukushipa. Tupaleni nokutwafwa. Tukafuluka panshita Munyina Taylor, nabonse abesa kuno ku chalichi, ilyo aleiminina pamwinshi nokusangila incende ya waisa mukumfwa i Cebo cakwa Lesa, ukwikala bwino nokutusha.

<sup>25</sup> Bulya ubushiku lintu enaaabukile kwishilya, Shikulu, Napepele ukuti Malaika mukalamba uwakwa Lesa eminine palya pamwinshi, ukumusangila incende, nao, Shikulu, kabili ukuti engekala. Pantu calilembwa mu Baibele ukuti, "Abaluse bakapokelela uluse." Mpaka ifwe tukamumone, Shikulu, lekeni ifibukisho fitwalilile ubusuma mumitima yesu, mpaka ubushiku bumo ilyo tukakumana nakabili mu Calo cimbi. Úkupitila mwi Shina lyakwa Yesu Kristu twacilomba. Ameni.

<sup>26</sup> Ena akafulukwa pansiita pakati kesu napakati kabeni, nabambipo, abesa ku chalichi cesu, nangu kucikulwa cesu kuno, kukushinshimuna. Lekeni umweo wakwe utushe mu mutende kucinso cakwa Lesa, mpaka bulya Bushiku.

<sup>27</sup> Ubushiku bumo, nefwe, cila umo pali ifwe akaya, umo umo, mpaka bonse tukawile mumulongo nga filya. Lekeni ifwe nomba, ilyo tucili nenshita, nokuba, natuiteyanye fwebene kuli ilya inshita ileisa; pantu tatwishiibe ilyo cikaba. Tatwishiiba uukakonkapo. Natwikale ifyo, ukuti cilabushiku, ngacakuti bwafikile, ubukaba bwesu, ifwe tukabe abaiteyanya.

<sup>28</sup> Nomba, Ndefwaya ukubikapo ifyakubilisha. Nomba, mukwangufanya, nalimo, limbi, Nshilalandia nabakasunga wafipe ukutula apo nabwelele, palwa mibele yacikulwa i-i chalichi kuno, nangu ifyo ifwe tufwile ukukonkapo ukucita, ukupanga ichalichi cesu pakuti tungakwata umusonkano wesu. Nomba Nkatwalilila, munjeleleko, ne-ne Fikakatikilo Cinelubali, kabili ne Nweno Cinelubali, nefintu ifingi fintu tufwile ukwingilamo, ilyo line.

<sup>29</sup> Kibili nomba, u Mulungu ukakonkapo ulucelo, kulya, Mfwile ukuba ku Elizabethtown, Kentucky, pamo na Munyina L. G. Hoover, ku-kulongana kwakubika ichalichi kuli Shikulu.

Kabili uko kubika ihema ilipyä, nangu ihema intu bena bashitile ku Elizabethtown, Kentucky. Ukukonkafye 62 mpaka mwafika ku Elizabethtown, nangu ukukonkafye, Nde pilibula, 31, nangu ukupita mumusebo wakulipila. Palyafye apo umusebo wapatukamo, kumitwala ku Elizabethtown. Ni ora nangu imo. Cili pepi namakumi yatatu-nayasano, amakumi yane bamailoshi ukufika kulya. Ndetontonkanya, nalimo bamailoshi amakumi yane, kunshila ya... iya 31, kabili nalimo bamailoshi amakumi yatatu nafisano, nangu ifyo, inshila imbi, ukupita mumusebo wakulipila. Ni muli Mulberry Street.

<sup>30</sup> Ukulongana kwabika ichalichi kuli shilulu. Munyina Hoover akashimikila nga pe isukulu lyapa Mulungu pa teni koloko. Kabili Ndi nokushimikila kukulongana kwa kubika ichalichi, ukutampa pa lebeni ukufika pa twelufu, uyu Mulungu ulekonkapo uuleisa, umweshi wa Cinshikubili pa bushiku bwalenga ikumi na cimo.

<sup>31</sup> Pacipampa cafishibisho kunse kulya, pali i—i lyashi lya pali ico. Kabili cikaba ku... Imwe kuti mwasanga inshila yenu ukufumafye palya pene. Ni muli Mulberry Street. Nangu bena—bena nabapela intunga pa... Cili pacipampa cafishibisho kunse kulya kuntanshi yechalichi.

<sup>32</sup> Elyo, muli—mulii Cinshikubili pa—pa bushiku bwalenga amakumi yabili, Ine—Ine nkaba ku Shreveport, Louisiana, ubushiku bwalenga amakumi yabili na fibili, ubwalenga amakumi yabili na fitatu, amakumi yabili na fine, amakumi yabili na fisano, na—na makumi yabili na mutanda. Inshiku shisano, Ndetontonkanya, ku Shreveport, Louisiana, pa Life Tabernacle. Ukonipamo na Munyina Moore. Bena balesefya ukusefya kwaibela ukwa golide. Ipaalo lya pentecosti lyaikile mu Shreveport, Louisiana, imyaka amakumi yasano iyapitapo, pabushiku bwalenga amakumi yabili-na fibili ubwa uno mweshi. Imyaka amakumi yasano, imbila yakubalilapo iyaba pentecosti yabililwe. Nokwika, u Mupashi wa Mushilo waikile, mu Louisiana. Kabili balikwata icibukisho kuli ico, kabili neci kusefya kwaibela ukwa golide. Kabili Ndi nokulanda pakusefya uku, inshiku shisano ubushiku, pamo na Munyina Moore, ku Shreveport, ku Life Tabernacle.

<sup>33</sup> Mwalikwata abanenu mukati no kushinguluka kulya, cinshi, abo imwe mulefwaya ukulembelako, nangu icintu cimo, abo mwingatemwa ukubako. Kabili ukubebafye palwa misonkano ileisa.

<sup>34</sup> Kabili ku Life Tabernacle, ngacakuti umo alitala afikako kulya pamo na Munyina Moore, ena mwaume umusuma nganshi. Kabili kwaba ibumba lya bantu abasuma, balya abakale abena Kapinda kakukulyo. Imwe teti mubacile. Kabili eico, pa Life Tabernacle, uuli onse mu Shreveport kuti amweba apo yaba. Shreveport mwaba abantu nalimo amakana imyanda ibili.

Kabili musumba uusuma, kabili nokwakusendama ukwingi. Eico...

<sup>35</sup> Kabili ili ihema li hema iikalamba, ihema ilikalamba nganshi. Lyena lyalikwata amastepu yakuya pamulu, napakwikala pamulu, nemansa, kabili nalumbi ulubansa bushilya. Kabili kwalibafye incende iikalamba. Kabili ukulungatanafye ne cinyumbanyumba ca musumba umungekala abantu amakana yasano. Kwati—kwatifye kwabuka umusebo kuno, ukufika kucikulwa cakwikalamo abantu ica musumba.

<sup>36</sup> Kabili Rev. Jack T. Moore, nangu—nangu umo pa Life Tabernacle ku Shreveport, Louisiana. Uko kukatampa pabwalenga amakumi yabili nafibili. Ico cikaba ni Cita-... Cine ukufikila pa Mulungu. Cine, Cisano, Cibelushi, Mulungu, inshiku shine mucifulo cashisano. Njeeleniko. Ico cikaba pabwalenga amakumi yabili nafibili, amakumi yabili naftatu, amakumi yabili nafine, namakumi yabili nafisano. Ndetontonkanya efyo cili, uwa—uwa Cinshikubili.

<sup>37</sup> Elyo nomba, ifwe tukamona nomba pafyo, ifyo tucitile palwa chalichi kuno, ukusanga apo ulukuta lufikile palwa cikulwa caluko. Ba kakuula batwebele kuti bena babikapo abantu abengi, ukufika nalimo pansihi ikumi bena ninshi balimupei nokupwa pakuti ifwe tungengilamo, mwamona, mukwangufanya fye. Kabili bena balelolela abakumusumba ukusaina. Namwishiha, kabili tufwile ukukwata incende iikalamba iyakubikamo bamotoka, nefingi *ifi*. Kabili, oh, mwe, muli ifyakucilinganya ifingi, kukwamba ukukuula icili conse. Lelo Ine mfwile nafika kulukuta ilintu Nshilabwelela mwibala nakabili.

<sup>38</sup> Nomba Ninkwata ubwite ku Tanganyika, ku Uganda, nokupita umo. Joseph nateyanya imisonkano ukutampa mu Kabengele kakalamba.

<sup>39</sup> Kabili mailo, ilyo Naingile, kwaliko bamunyina bamo, na Nkashi Thoms na bena, ukufuma ukwabuka ifimana, bali nabesa. Kabili nail...Nasangile akapepala ka mashiwi palya pamwinshi wandi, nangu—nangu ubwite ukufuma ku—ku kabungwe mu South Africa. Eico Nala balembela, ukwishibafye icingacitwa. Nalimo, ilintu Ndikulya, kuti Naiminina mu South Africa, nalimo, mu ciputulwa cakulekelesha ica Kabengele kakalamba na Kutumpu, ifyo fine muli ilya nshita.

<sup>40</sup> Kabili ifwe tuleenekela ukwimya ichalichi, pakuti Ningafunda Inkulo sha Nkuta, ilintu—ilintu umupepo taulaisa, ngacakuti cingacitwa. Ngacakuti Nshicatile, nangu ilyo Nkabwela ukufuma kulya, ngacakuti Shikulu Yesu akokola.

<sup>41</sup> Nalekutika mailo ilintu Nalekopa, ndecetekela cali nibulya bushiku, palwa tepu. Nacitontonkaya ukuti Naciyumfwa ilelila kunse kuno muno lucelo. Umo munyina uwaku Kapinda ka kukulyo akwete...Nyina alishile mumusonkano. Ena ali

necafimba pebele lyakwe, kibili ali necinshingwa camfwa. Kibili u Mupashi wa Mushilo, muli umo uwamisonkano iyapitile, ku Southern Pines, Ndecetekela cali, nangu kuncende imo, amwebele, asosele pacafimbile kuli namayo, kibili untu umwanakashi aali, na uko namayo afumine. Kibili namayo akwete umulumendo uwa wile, kibili ali nokukwata ubusanso, kibili ukumupeela umulandu wakwipaya umuntu mukukana kwata ipange ilyo. Nefintu ifingi ngefyo. Kibili uyu mulumendo...

<sup>42</sup> Cena cacitikefyne ifyo fine. Kibili nokufimba kwepwa londa iyakwa namayo, nangu icafimba cimumena, nakuba, califuminepo. Icili ni, icafimba lipwa londa, imwe mwalihiba. Eico nomba cena—cena cafuminepo. Kibili umulumendo ali nomulandu wakwipaya umuntu, nefintu fyonse munshilafye Mupashi wa Mushilo acisoselemo. Kibili atungulwilwe kuli Kristu, nakabili. Kibili akopele amashiwi pali tepu aya ifyo, na Ine—Ine naciyumfwa ilelila. Bushe imwe mwaliipakisha ilya iinono, iyakale insoselo ya ku Kapinda kaku kulyo? [Ulukuta Iwatila, “Ameni.”—Kale.] Atile, “Kuno muno mu North Carolin’er,” atile. Oh, Nalitemwafye balya, balya abantu ba ku Kapinda kakukulyo abakale. Kibili ena alina... Shikulu Amupalileyfe. Atile, “Ninjishiba iwe utila taushimikila isambilisho, Munyina Branham; kanofye ku lukuta lobe.” Atile, “Ifwe tuli ciputulwa calukuta lobe.” Eico ico califye icisuma muli ena, ukusosa ifyo.

<sup>43</sup> Kibili nomba kuli icikope, Ndetontonkanya, nalimo, cili pacipampa cafishibisho muno lucelo. Ngacakuti tacilipo, Billy alecibikapo palya. Pa nshita ishingi calisoswa, ilintu Ine pakubala natampile ukulanda, ukuti bena batile, “Iwe welenganyafye, Munyina Branham, ukuti ulamona lulya Lubuuto, lulya Lubuuto.” Kufwile kuli nalimo, limbi...

<sup>44</sup> Limbi kuti kwaba bambi abashala pano, abakokole abaleibukisha kunuma, lintu ifikope tafilasendwa ifya Ciko. Bushe pali bambo pano abaleibukisha ine ukusosa ifyo, kunuma kale? Moneni. Kulifye amaboko yane nangu yasano. Nkashi Spencer kuno, na Munyina na Nkashi Slaughter, na—na munyina *kuno*, na munyina *kulya* lubali. Balifye nalimo basano nangu mutanda pabakokole abashala.

<sup>45</sup> Ukuba, nomba, panuma yakashita, ilinso lya fyela fya ulya kamela lyaikete cilya cikope. Eico cena caile ku Washington, DC no kupita muli bakapima, nokubwela, “Tacali kwilikana kwa fikope nangu icintu cimo.” Atile, “U Lubuuto lwa sanike pekalashi.” Uyu ni George J. Lacy. Mwalikwata ishina lyakwe ilya sainwa. Mwamona?

<sup>46</sup> Ukuba nomba, inshita ishingi imwe mulomfwa, lolekesheni nokutila, “Kuli icinshingwa cafiita pamulu wa *uyu* muntu. Cena cinshingwa camfwa.” Nibanga abaumfwa ine ukusosa

ifyo? Inshita ishingi, mwamona, inshita ishingi. Ukuba, cena casangilwe ukuti kamela yakopele ico. Kibili eico ifwe twalicikwata kuno.

<sup>47</sup> Namayo uwaishile kulinkashi nokumweba ukuti, mumusonkano mu—mu Carolina, uko ifwe twakwete umusonkano wakupapa ku Southern Pines. Kibili kulya, namayo alefwa nepwa londa ku mabele yonse yabili. Kibili badokota bafililwe nokumuleka ukuti afwe. Nanamayo aingishe ukuboko nokufumya icikope cakwe, ngafintufye Namwebele untu aali, na uko ena afumine. Kibili Natile, “Kuli icinshingwa cafita pamulu obe. Iwe naukupikwa necinshingwa kumfwa.” Kibili namayo apopene akopele icikope ca ici. Kibili ico caba palinso lyafyela fyakamela, ukusenda icinshingwa camfwa.

<sup>48</sup> Ngacakuti umo muli imwe bonse alimona ubunkolanya bwa *Ama Funde Ikumi*, nokumona malaika wamfwa, ifyo calepitamo, cilya icafta, icakutinya icinshingwa, caba pali ici cikope. Kibili Ndetontonkanya cili pacipampa cafishibisho nomba. Ngacakuti tacilipo, Billy aleng’umfwa, mulandunshi, muleke acibike pacipampa cafishibisho. Kibili cena cikwete nomufwi uulesonta kumuntu. Kibili umuntu, icinshingwa cashile namayo, na ena apolele mukusungusha. Lelo cena caali kwati cisote cacifico, icushi ica fita cakolongene nokukupika namayo, nokulapela pali lilya ipwa londa nga filya, ukufuma kuli cilya. Nakuba, ico ecinshingwa uko imfwa ilepongolokelamo, nayo, ukufuma kwipwa londa.

<sup>49</sup> Ukuba, nangu wingesha shani ukweba abantu Icishinka, kuli umo uukatunganya ukuti Cena tacili Cishinka. Kibili lyonse ngaulanda i Cishinka, nomba nawishiba ukuti uli uwa—uwalungama.

<sup>50</sup> Ine nalikwata umunandi ni—ni kasunga wa nama, kulya mu Masamba. Kibili—kibili ba kasungilila balipile nalimo ba dolla amakana yane kuli motoka yakwenda pamenshi makasa, ukuti bapende umukuni wansebulu ishashеле kunuma kulya ku Troublesome Valley. Mista. Jeverez uwalesangwa muno muchalichi, Namu tungulwile kuli Kristu, umusenshi uwapwililika. Kibili imwe mwalyumfwa ine ukusosa ilyashi lya pali ifwe ukunina bakabalwe pamo. Kibili ena tapali ico acetekele kano ifikomo fyakwa Darwin. “Nokuti ulya Mwana, uwafyelwe kuli nacisungu, ku bulwa amano.” Kibili ifwe twakulile inkambi ubushiku bwakonkelepo apo pene pantu ena apokelele Kristu.

<sup>51</sup> Kibili eico eico uyu mwaume alibebele. Atile, “Nomba, imwe tamufwile ukushita ulya motoka, ulya motoka wapa menshi makasa.” Atile, “Nalamweba ukushinininkishafye ninsebulu shinga shili kulya.” Atile, “Shili ikumi limo na pabula.” Atile, “Shali amakumi yabili... Shali amakumi yabili-na imo, na Ine naipeyeko shibili.” Kibili alelanda kuli bakapokola wanama.

Taufwile ukwipaya kano imo. Eico atile, “Shali amakumi yabili na imo, kabili Naipeyepo shibili. Kwashala ikumi na pabula.”

Kabili atile, “Ee, Jeff, Ninjishiba ukuti iwe wa ipeyepo shibili.”

Atile, “Ine nacitile.”

<sup>52</sup> Ukuba, bena basendele motoka wapa menshi makasa, baile pamulu palya, pali insebula ikumi na pabula. Atile, “Billy, ebafyé umuntu icishinka; ena takacacetekela.”

<sup>53</sup> Kanshi ifyo efyofye caba. Imwe kuti mwaeba abantu i Cishinka, nakuba bena . . . Kwaliba nganshi ukukana umfwana no—no bufi palwa fintu mpaka bena tabacetekela ukuti ulebeba i Cishinka ilintu ulebeba i Cishinka. Mwamona?

<sup>54</sup> Lelo ifwe tuli abatotela nganshi ukuti twalikwata Shifwe waku Muulu U ushininkisha cilya Cishinka ne cishininkisho. Cene cacine. Eico kanshi ngacakuti ububukaba ebushiku bwandi ubwaku lekelesha pesonde, i . . . nangufye kubebeta kwa scienci nefishininkisho fyali shininkisha ukuti Nalilandia i Cishinka palwa ifi fintu. Ico cacine. Cena Cishinka. Eico cili nokuba makamaka pacipampa cafishibisho. Billy, uli mumuputule umo? Naucikwata muminwe yobe, icikope? Kabili nga naukwata, ukuba, cifumishe kuno, nomba kuti wacibika pamulu apa, bena kuti bacimona. Ukuba, Nshishibe. Kuli nokuba ulubuuto pa ci—pa cipampa.

<sup>55</sup> Kabili ici apa i—ici cili pacikope apapenefye. Nde elenganya imwe tekuti mucimone. Lelo *apapenefye* kuti mwamona cilya icisote ca cinshingwa camfwa kumutwe wa ulya namyo. Kabili nefyalembelwepo palwa ico ifyo apo kunuma *kuno*, uko namayo asendele icikope, kabili nokumona ukuti cena nakuba calimoneke. Kabili ico cili apo, pa—palya. Cena cisote ca cinshingwa ca mfwa.

<sup>56</sup> Mwamumona umwanakashi, umo palya pene? Imwe namucimona, Ndemonia, Munyina Neville, bushe taucimwene? [Munyina Neville atila, “Ee.”—Kale.] Uh-huh.

<sup>57</sup> Eico, Billy alacibika pacipampa cafishibisho, ngacakuti kuti wacita, Billy. Isa, cisende, nokucitwala kuntansi nokucibika pacipampa, pakuti bonse benga cimona lintu balefumina panse. Ena nangu Doc, umo pali bena. Nomba Nacitontonkanya, nalimo, cena calamonekela sana ukuti kuti mwacimona, lelo nakufitisha kucikope camusango nga ulya. Lelo ena alecibika kunse kulya, pakuti mwingsa cimona, lintu balefuma panse.

Nomba, ibukisheni ifishibisho fyonse.

<sup>58</sup> Kabili nomba, muno lucelo, Nacitontonkanya nalimo ukuti tusose panono pacintu cimo kukukoselesha ichalichi, icintu cimo icinga mulundilako . . .

<sup>59</sup> [Munyina Doc Branham asosa kuli Munyina Branham, “Ulefwaya palya?”—Kale.] Auti shani? [“Ulefwaya kalya ukuba

pali cena?”] Ee, Doc, ngacakuti kuti wacita. Cena kuti caba bwino.

<sup>60</sup> Ndefwaya ukubomfyा ici kuno. Ine nail...Bamo muli bena tabacikwete ukubikapo, kumulungu wapwile, eico ifwe twacitontonkanya nalimo ukuti cena kuti cacita bwino ielelo. Nalefwaya ukulanda pali cena, pantu cena calolele ku ci—cilotó nkashi akwete.

<sup>61</sup> Nshishibe ngacakuti Nkashi Shepherd ali mu chalichi muno lucelo. Ine namukumenye bulya bushiku. Kibili umuku wakubalilapo untu Namwene uyu mwananakashi, nakuba, Nshaishibe untu ali. Bushe eo? Ndemona teo. Ee. Bushe kuti mwasadakama, bushe kuti caba icintu icakufuma munshila, ngacakuti Naloseshe kuli cilya ciloto, Nkashi Shepherd? Teti musakamane, bushe kuti mwacita? Cisuma. Cilifye bwino.

Kibili lintu tatulapalama kuli ico, natukontamike imitwe yesu nakabili nomba.

<sup>62</sup> Mwe bakusenamina Taata waku Muulu, kuli Imwe twapela amalumbo pali fyonse ubusuma Bwenu noluse. Kibili nomba, tutalalikeni, Shikulu, ukuti twinga soma i Cebo cakwa Lesa wamweo, ilintu Cena cileisa kuli ifwe ukupitila mucimonwa no kushininkishiwa na Mupashi wa Mushilo, ukwafwilishiwa kuli Baibele. Eico ifwe twapepa ukuti Mwalatupela ukumfwikisha, ukuti twingeshiba ifyakucita muli ishi inshiku shakulekelesha lintu tulemona amaka ya bubifi ukutushinguluka nomba. Ubulwi, ubulwi bwakulekelesha buli mupepi nokulwiwa. Twafweni, Shikulu. Nge fita finefine, ifyakosa, lekeni twiminike inkwela ya Cicetekelo, pamo ne Cebo cakwa Lesa, u Lupanga, nokuya ku ntanshi. Mwi Shina lyakwa Yesu. Ameni.

<sup>63</sup> Nomba, ukutontonkanya pakuya kuntanshi, ubulwi, kwati u—ubulwi ubupekanishiwe, ukuiteyanya ukuya mumulimo, u—ubulwi bwinebwine, ukulwa ubulwi bwacitetekelo.

<sup>64</sup> Nkashi Shepherd pano, na Munyina Shepherd, abali ifibusa fyakusenamina ifyesu, kibili abesa kuli ili ihema. Kibili bana batemwikwa abakwa Lesa. Kibili—kibili uyu Nkashi Shepherd, ilintu Nalesenda amakalata yandi, ayo yantu Billy engasuka, umuntu umo kuti atilafye, “Ntuminako impendwa yakuti iya tusalu twapepelelwa.” Kibili Ine nda pepela pali twena. Ena abasukafye. Lelo ngacakuti ninkalata ya muntu umwine, Mfwile ukuyasuka nemwine, mwamona. Eico Nabulile amakalata yandi, kibili eico Naleyatwala ku ng’anda. Kibili Nalebelenga mukati mulya, yena yatille, “Ukufuma kuli Nkashi Shepherd.” Kibili cali ciloto cintu ena akwete ukukwata, i—ica myeshi imo iyapitapo. Kibili ena tabalile asanga ubwasuko mpaka babili nangu i Milungu itatu iyabapitapo, lintu Nafundile pali ishi—ishi *Nkulo sha Nkuta Cinelubali* ne—ne i—ifisabo cinelubali, Uwacibili Petro, ifintu cisenda, Uwacibili Petro 1, “Ukulunda ku citetekelo cesu.” Mwamona?

<sup>65</sup> Icakubalilapo, pa mufula, ci Cetekelo. Icalenga bubili, mulundeko ku cicetekelo cenu, amaka; kumaka yenu, ukwishiha; ukufuma kukwishiha, ukuiteka; ukufuma kukuiteka, ukushipikisha; kukushipikisha, bukapepa; nokufuma kuli bukapepa, ukutemwa aba bwananyina, uluse kuba bwananyina; elyo nomba icitemwiko, ukuba ilibwe lya petungi. Cinelubali ifya ifyo fintu. Inkulo sha nkuta cinelubali, mwamona, ne ntanda cinelubali isha nkulo shankuta, kibili fyonse fya uminkana pamo kuli Mupashi wa Mushilo.

<sup>66</sup> Nomba, ifyo efyo cisenda kukuba u mubomfi wakwa Kristu. Kristu akuula i Chalichi Cakwe mu nkulo sha machalichi cinelubali; Nabwinga Wakwe, u Muntu, umwanakashi, Chalichi. Inkulo sha machalichi cinelubali shikuula no kupanga Nabwinga. Bamo ukufuma muli *iyi* nkulo, nabambi ukufuma muli *ilya* nkulo, nabambi ukufuma muli *ilya* nkulo, kibili bonse pamo, nokupanga kwati ni pyramidi.

<sup>67</sup> Kwati ni Enoki, uwakulile ba pyramidi, fintu ifwe twacetekela. Kibili ilibwe lya petungi talyabalile alibikwa pamulu wa iko, pantu ilibwe lya pa mulu lyalikenwe. Kibili ifwe nomba natusenda, tacili nge Sambilisho, lelo ngo kumfwikisha, ku chalichifye kuno. Ukuti ifi . . .

<sup>68</sup> Lesa ailenga Umwine ukupwililika patatu. Ena ailenga Umwine ukupwililika muli “Taata, Mwana, Mupashi wa Mushilo,” ama ofeshi yatatu ayakwa Lesa umo. Ena ailenga Umwine ukupwililika mu “kulungamikwa, ukusangululwa, ulubatisho lwa Mupashi wa Mushilo,” ukuba uwawililika, imilimo ya kusenamina. Ena ailenga Umwine ukupwililika mu kwisa kutatu: umuku wakubalilapo, kukulubula Nabwinga Wakwe; umuku wa bubili, kukupokelela Nabwinga Wakwe; umuku wa butatu, mu Mileniamu na Nabwinga Wakwe. Kibili fyonse fipwililika patatu. Kibili cinelubali ni mpendwa yaku shinshimuna Lesa. Lesa ashinshimunwa muli cinelubali, ukupwililisha, nomba ukupwililika nokupwililisha.

<sup>69</sup> Kibili ne cintu iceni cali, tekuletamio ici, lelo kumilangafye, insebulu yakulekelesha intu Ine naipeye yali nefibala fisano pa lubali lumo elyo fitatu palubali lubiye; mwamona, ukusenamina nokupwililika.

<sup>70</sup> Nomba moneni pali ici, ulya Kristu. Lesa alembele ba Baibebe batatu. Baibebe Wakubalilapo ali mulwelele, uwitwa zodyaki. Nomba, ngacakuti imwe tamwaishiba i Buuku lyakwa Yobo, labenikofye pali cena, pantu, pantu Yobo eumo uwacilondolola, ifyo ena aloleshe kumulu kibili ena alumbwile ifyo fintu mulwelele.

<sup>71</sup> Kibili moneni, muli zodyaki, bushe yatampa na cinshi? Icintu cakubalilapo mu zodyaki ni nacisungu. Icintu cakulekelesha mu zodyaki ni Leo inkalamo. Ukwisa kwaku balilapo ukwakwa Kristu, ukupitila muli nacisungu. Ukwisa

Kwa cibili, Leo inkalamo, i Nkalamo yaku mukowa wakwa Yuda.

<sup>72</sup> Nomba Enoki apwile mubushiku bwakwe, nangu kunuma muli bulya bushiku, pyramidi. Kibili cena cika... Nakuba, ifwe tatukwete inshita yakuciteka nokulanga ifyo ilya pyramidi yaleima ukupula mumiputule nafimbipo. Cena cilanda ukulungatana kunshita yampela nomba. Bena bali mumuputule wamfumu nomba, ukupitila ku cipimo. Lelo ilibwe lyapamulu talyabalile alibikwa pa pyramidi. Kibili lilya lyaikala ilyapwililika, mubukuule, nangu—nangu mukubasa. Mpaka, nangu ni... kalwembe akaonda... Bene tabaishiba mumusango bena baikuliilemo, tekuti bakutuluke cena, ukuti ulwembe lwatala alupita ukukonka mumbali umo iloba lifwile ukuba. Kibili tamwaba neloba muli lyena. Lyena lyapwililikafye, ukubikwa pamo.

<sup>73</sup> Eico ifyo efintu cili ilintu Kristu ne Chalichi baba umo. Tapaba iloba pakati. Tapaba nangu cimo pakati; ni Lesa fye no muntu. Lesa, Kristu, nomuntu.

<sup>74</sup> Nomba, lelo, ilibwe lyapamulu, bena tababalile abalisanga. Namwishiba Ilibwe lya Mitumfyo bena bakwata mu England, kukulashika imfumu, nangu uku—ukubafwika ingala, nafimbipo. Lelo ilibwe lyapa mulu...

<sup>75</sup> Moneni pepepala lya dola wa America. Imwe mukamona ngacakuti... pepepala lya dola wa America, palubali lumo, kulubali lwakukuso. Kwaba icikakatikilo ca America, kapumpe pamo ne...ku mafumo mukuboko kwakwe, palubali lwacibili, iciciitwa icikakatikilo “ca United States.” Lelo kulubali ulwa konkapo kuli pyramidi kibili, pamulu waciko, ilinso likalamba, kibili pesamba apa ciletila, “Icikakatikilo cikalamba.” Cinshi cena cinga bela “Icikakatikilo cikalamba” muli ici calo, nangufye pamulu wa cikakatikilo cacalo cesu? Mwamona?

<sup>76</sup> Nangu cibe shani cintu mwacita, Lesa alalenga cena ukulanda cimocinefy. Mwamona? Ena alalenga umubembu ukulanda palwa cena. Ena alalenga icalo ukulanda pali cena. Ifintu fyonge fifwile ukulanda pali Ena. Cibe imwe—imwe mulefwaya uku Ci cetekela nangu iyo, Cena cilifye apopene.

<sup>77</sup> Nomba, moneni, mwaliba ilinso muli ico, ilinso lyakwa Lesa. Kibili pantu insonshi taya fuminepo, i Cikakatikilo Cikalamba, pantu Cena caalikenwe, icali u Mwanamwaume wakwa Lesa; i Libwe lyapa cifutu ca cikulwa, i Cikakatikilo Cikalamba ica pyramidi, nefi fyonge. Nomba—nomba, Ine ndi... Ine nshatemwa uku...

<sup>78</sup> Limolimo bena balambula ififintu pa tepu, kibili fila fumina kunse pakati ka bamunyina mu machalichi, aba nkuta shimbi. Kibili lintu bacitefy, nomba ba munyina limolimo balakwata kampingu walubana, ukuti Ndesosa icintu cimo palwa ba munyina. Lelo Nshilecifeyo. Ine... Ngacakutu imwe

kuti mwaumfwafye nokukutikisha, mwamona, Nshilelanda ukukanya munyina nangu umo. Pantu, ico tacalinga kuba bwananyina, ukulanda ifibi tashanya umo nomubiye. Ifwe tufwile ukulalandilako umo no munankwe, tekulalaka cila naumo.

<sup>79</sup> Lelo ilintu Nasosa limolimo pa tubungwe tumo, nga ba Presbyteriani, Methodisti, nangu ifyakonkapo, batila, "Mwamona, ena alacisusha." Ine nshi susha munyina mulya, nangu nkashi mulya. Imibombele iilepatula ababwananyina eintu Nanda ukususha. Lesa abana bakwe baba ulupwa lumo, kibili te-kibili temabumba ayapusana pusana.

<sup>80</sup> Kibili bamo muli bena batila, "Nshikwete icakucita nacena, pantu cilya caba Presbyteriani. Kibili Ine ndi Methodisti." Mwamona? Nomba, ico tefyo. Mwamona? Cena nimbela yakalya kabungwe akatobaula bumunyina. Mwamona?

<sup>81</sup> Nomba, ico, ngafintu Nsosele, ngacakuti waleya pamumana mubwato bwakale ubwa-sokomoka, ulefwaya ukupita pacipoma, kibili Ninjishiba ico tekuti cibombe, ukuba, nomba, Nshile paata, ukukwebaula. Ndeesha ukukufumya muli bulya bwato. Mwamona? Pantu, bwato ebwalatobeka, na—na—na iwe uleshala, weka, mumenshi. Eico—eico tacili—tacili munyina mubwato, lelo Ndepundila munyina ukumulanga icili mupepi nokucitika.

<sup>82</sup> Ukuba, yonse iyombela, intu abantu bapanga mukulunduluka kwabo ifwile ukutobeka. Epela. Bena bafwile ukwisa... Ifwe tufwile ukwisa kukwampana, kubwananyina. Lelo ecaba mulimo wandi mumweo kwesha ukwampanya kibili tekutobaula akabungwe, lelo lekeni bena baleke amano yabo, nokuba bamunyina kuli onse umwina Kristu uwafyalwa cipyacipy. Mwamona? Ico, ico emano. Apo epo Naiminina, ukuba, nomba, ngacakuti aba bwananyina kuti bacimona. Ine...

<sup>83</sup> Abengi mubabwananyina besu, nangufye mubesu abamumulongo waba Mbila Yapwililika, bena tabacetekela ukuti ba Baptisti naba Methodisti, nabena Luther nabalya, balikwata ishuko. Lelo, nomba, bena kuti balilungama. Lelo Nshisuminishanya neco. Nacetekela ukuti inkulo kuno iyi, i Nkulo ya bena Luther, muli iyi nkulo *umu* iya itilwe, Ndecetekela, iyi Inkulo ya bena Sardis. Kibili elyo iyi i Nkulo ya bena Philadelphia, kuli ba Methodisti. Elyo kibili ba Pentecosti, i Nkulo ya Laodikia. Nalicetekela isho ni nkulo. Kibili Lesa, muli cila imo munkulo isho, asendelemo abantu abasalwa. Kibili umo, nga Abahebere 11 isosa, ukuti, "Bena ukwabula ifwe teti balengwe ukupwililika." Mwamona? Lelo nomba i Chalichi calima ukufuma *uku*, ukwisa mu mpPENDWA inono inshita yonse, mpaka Ca fika mu nkulo yaba Pentecosti.

<sup>84</sup> Nomba, umulandu Ndesosela ifi, kutila imwe mwingawkwata ukwishiwa paco nkashi alotele. Kibili neciloto cakwe sanasana cilepashanya kufintu Nalefunda.

<sup>85</sup> Moneni nomba kuno, nomba, fyonse ifintu ifyo Uwakubalilapo Petro versi 6 na 7 amweba ukuti, uku-... necitetekele cenu, ico ecakubalilapo. Nomba, Nsosa ukutila abantu balaitunga ukukwata ifi fintu ukwabula nangu kufyalwa cipyacipy. Kibili Ndecetekela Nasosele mumitumfyo elyo natile, “Cili kwati cuni icafta ukwesha ukuifwika amasako yakwa kalukuluku, nokuipanga ukuba kalukuluku.” Ena tekuti acicie. Kufwile kwaba isako lyu cifyalilwa ukumena kuli ena. Mukati kakwe mufwile ukufumya lilya isako kunse.

<sup>86</sup> Kibili lyonse, kibili Ine lyonse ndapelwa umulandu wakufikosha pankashi shesu, palwa kuputula umushishi, nokubika ilangi pafinso fyabo, nefintu. Ine Lyonse ndapelwa umulandu wakufikosha pankashi shesu. Te—tekuti Ine ndasusha ico. Ine nshitila umwanakashi te mwanakashi musuma, ukuti ena umo uwapamusebo nangu icintu cimo. Uyo temusango wandi. Lelo, cena nici, ilintu ena abika sana ifishili fya cifyalilwa kunse, cilelanga ukuti mukati muli ifishili fyacifyalilwa ifingi, mwamona, umufwile mwaishushiwa na Kristu. Pantu, kunse Lyonse kulanga icili mukati. “Kufisabo fyabo imwe mukabeshiba.” Mwamona? Kibili umo Kristu afwile ukuba, nokusakamana kuli Lesa, nokusakamana kufintu fimbì mucifulo cabwingi bwafishili fyacifyalilwa, kibili namwishiba, ifipeni fyakatapakatapa, kibili imimonekele iishili yabuntunse, nafyonse ifintu fyamusango uyo. Ine nshisuminshanya neco, kibili Nshilecetekela Baibele nayo ilacita, eico Natemwa ukubafye fintu ifwe twaba.

<sup>87</sup> Moneni, nomba, ngacakuti ena takwete ingala, elyo alefwaya ukubikako shimo; ngacakuti ena takwete ameno, elyo alekabila yamo; tawakwata ukuboko, kibili ulekabila kumo; tawakwata mushishi, kibili ulekabila imo; twakwata ififintu, ico capusanako. Lelo ilintu wasokolamo ameno yeneyene ayobye ayasuma, pantu yena tayabeka ngafintu yafwile ukuba, lyena wacita icilubo. Ngacakuti wakwata umushishi wakashika, kibili ulefwaya uwafita, elyo waya ukubikamo ilangi lyafita, pantu fye; iwe wacita icilubo. Ee, Ine ndetontonkanya ifyo. Lelo icintu icikalamba... Takwaba Ilembo pali ico. Kanofye, ukuputula umushishi obe, kwaliba Ilembo pali ico, ee, tuli nayengi pali ico, eico nomba ifwe tulefwaya ukushininkisha ukuti ico cintu calungama, nomba.

<sup>88</sup> Nomba, nkashi yesu, mukulota, ena alotele ukuti ena... Ukuba, pakubala, ena alisakamikwe. “Cinshi ukulatwalilila, nokwesha ukulalwisha mubumi, ngacakuti Lesa alefwaya ifwe ukupokelela Mupashi wa Mushilo kibili ifwe tatwa Mu kwata?” Nomba, Nshiletontonkanya...

<sup>89</sup> Bena kuti baleambula pa tepu ifi. Lelo ngacakuti bena tabacite . . . Ngacakuti bena bacita, ici chalichi ceka. Mwamona? Nomba, ngacakuti umo munyina asanga ici, kibili waumfwa ishiwi lyandi, munyina, pali ici, ibukisha, Ndefundafye ku chalichi candi. Imwe lyonse, kucinso cacilonganino cenu, pimeni ba—ba tepu, kibili ngacakuti imwe tamulefwaya icilonganino cenu ukuyomfwa, mwileka bena ukuyomfwa. Lelo Ndeesha ukusosa kuli aka kalibumba kuno, kantu—kantu Munyina Neville na Ine, ukupitila muli Mupashi wa Mushilo, tuleesha uku—ukukumba nokubafunda.

<sup>90</sup> Nomba, kuli ifintu muli ifi fintu imwe mwinka kana nganshi. Eico ngacakuti emo fili, nga fintu Ine Lyonse nsosa palwakulya inkoko yasalulwa, “Ilintu wasuma mwifupa, iwe tauposa inkoko. Uposa ifupa.” Eico Lyonse mulecita ico. “Ukulya umukate wabikamo utusabo, elyo wasuma muluseke, iwe tekuti upose umukate. Iwe uposafye uluseke.” Eico imwe mucite icintu cimo cine mukumfwa kuli Ici.

<sup>91</sup> Nomba, Na—Nacetekela ukuti—ukuti u—umulandu kubelele icimfulunganya nganshi ileelo, palwa Mupashi wa Mushilo, cena tacifundwa bwino. Nacetekela ukuti ulubatisho lulafundwa . . . kibili ukutilafye “ulubatisho.”

<sup>92</sup> Lelo nomba cimo nga imwe ukutila “motoka.” Lelo nomba Ine ninkwata bamakanika abengi muli ici chalichi, kibili Nshaishiba nelyo cimo palwa cena. Eico ngacakuti Napanga icilubo, mwe ba bwananyina, Ndi . . . Ibukisheni, Nshili makanika. Kufwile kwaba bakoilo, nabapulagi, nama pointi, namafalufu, nefintu fyonse ifyashala, ifipanga motoka.

<sup>93</sup> Kibili ilintu imwe mulelanda palubatisho lwa Mupashi wa Mushilo, kuli ifingi ifyendela pamo Nao. Huh? Mwamona? Kuli ifingi ifyendela pamo Nao. Kibili ifi efyo Ndetontonkanya ukuti Lesa aleshininkisha: u Mupashi wa Mushilo uli pano. Mwamona?

<sup>94</sup> Nomba, Petro atile, pakubala, “Citetekelo.” Nomba cilolekesheni sanasana nomba. Ifwe twalafunda ici pali baminiti banono. Citetekelo, nomba, ecenu icakubalilapo. Kibili lundeni kucitetekelo cenu, amaka; kumaka yenu, amano; kumano yenu, ukuiteka; kukuiteka kwenu, ukushipikisha; kibili mukushipikisha kwenu, bukapepa; kuli bukapepa bwenu, icitemwiko cababwananyina, ku icitemwiko ca ba bwananyina; kibili nomba icitemwiko. Kibili umuntu onse alishiba ukuti icitemwiko ni Lesa. “Lesa ecitemwiko.” Mwamona?

<sup>95</sup> Nomba, ico nomba, ukufuma kulici, kibili nomba ukuleta ici munkulo sha machalichi cinelubali. Lesa alekuula, munkulo shama chalichi cinelubali, na Bwinga wakwa Kristu; ukupitila mu Filadelfia, Tuatira, Pergamo, na Smurna, na Efese. Inkulo ya chalichi, intu Yesu atile, “Ngacakuti uyu—ngacakuti uyu Shibwinga aishile mukulolela kwa pakubala nangu ukulolela

kwalenga cinelubali, bonse aba banacisungu balishibwike." Bena bali. Bena balishibwike, banacisungu ba mu Efese, Smurna, Pergamo, Tuatira, Sarde, Filadelfia, na Laodikea. Bushe imwe mwalimona ifyo? Yena yali ni nkulo yalenga cinelubali, ilyo lintu Ena aishile nokubusha balya banacisungu balele. Icilebaleta konse uku ukufika pansi *uku*. Mwamona? Pakuti, muli ishi, ukupula mumyaka, inkulo, Ena akuula Nabwinga, ukufyala Nabwinga, afyele Nabwinga pesonde kuli Kristu. Kibili inshila imoine intu Ena afyala Nabwinga, Ena afyala cila umo.

<sup>96</sup> Nomba Ine ndebwelela kununa, pakuti imwe mu mone ilintu iciloto cakwa nkashi cilesoswa.

<sup>97</sup> Nomba, ifi fintu apasanasana fifwile ukuba mumwina Kristu ilintu u Mupashi wa Mushilo taulati kubakakatika, ilintu ici tacilaika pamulu nokupanga icintu icapwililika.

<sup>98</sup> Nomba, iciloto cakwa nkashi yesu. Ena ali uwasakiama ngacakuti ali na Mupashi wa Mushilo nangu iyo, lintu alambalele pali seti apantu umulume alesoma i pepala lye lyashi. Kibili alikwata abana banono, ngafintu Ine nakwata, nabo lyonse balapanga icongo nefintu. Kibili eico, muli ici, aponene mutulo pali pepi naba miniti ikumi, nangu ikumi nabasano. Kibili alotele. Kibili tabalile akutuluka ico, nangu ukucibika conse pamo, ukufuma umwaka wapita, mupepi, mpaka iyi Mbila yafundilwe. Nomba, ilyo Nalefunda Po, cena conse cabwelele kuli ena. Kibili ena alotele ukuti alepepa.

<sup>99</sup> Aleenda pamushili, pakubala, lintu talalota, nokufina iminwe yakwe, nokutontonkanya, "Shikulu, bushe Ine nalikwata u Mupashi wa Mushilo? Bushe kuti Imwe mwacishininkisha kuli ine. Bamo batila, 'Pantu ukuti—ukuti Ine napundile.' Nangu bamo batile, 'Pantu Ine nalandile mundimi.' Kibili ifwe twacetekela muli fyonse ifyo. Lelo bushe cinecine Ine nali Ukwata?"

<sup>100</sup> Ine nalicetekela muli fyonse ifyo fintu, ifyo fintu, ukulandila mundimi, nokupunda, nefyakulangisha fyonse ifyalekanalekana. Nali cetekela mukapimfyा konse akaciko. Lelo ngacakuti uli umo ukwabula *Ici*, kuli icintucimo icilubene. Mwamona? Nomba, mwamona, imwe mona, imwe—imwe mukwete icipapa. Lolekesheni.

<sup>101</sup> Kibili ena ali nasakamana palwa ici, eico alambalele pali seti apo umulume wakwe alebelenga, kibili aponene mutulo.

<sup>102</sup> Kibili alotele alipamulu palupili. Kibili muli ululupili, icisuma sana... Ine nshikwete i pepala pantanshi yandi, lelo Ndetontonkanya cili ngefi. Alotele ukuti i—imbokoshi ye libwe, kwati—kwati ci—cintu capopwa, ili pamulu waululupili. Kibili nomulume wakwe alifye kunuma yakwe. Kibili amwene umuntu umutulushi naiminina palya, nefyakufwala fyakubombelamo, namaboko yelaya nayapimpwa, aleitila amenshi yalengama

nganshi yantu atalilemonapo, kibili aleitila muli iyi imbokoshi, iyi mbokoshi iyali pamulu walupili. Kibili imbokoshi yalefilwa ukusunga amenshi. Kibili yalekunkuluka ukufuma mulya, nokulungusha fyonse ifisoso notumuti, nefintu fyonse mulya, nokufilungusha nokukunkulukila pesamba lyalupili. Kibili yakunkulukile pamulu wa makasa yakwe, kibili ena aiminine muli filya fintu, nicofye tafyalambatile kuli ena.

<sup>103</sup> Kibili—kibili aipwishe mulandunshi imbokoshi yafililwe ukuyasunga, no mwaume atile, “Ayo temenshi. Uyo ni Mupashi wa Mushilo, kibili,” atile, “takuli nelyo cimo icinga Wikata.” Kibili atile, elyo ena abwelelemo nokuyasenda imbi imbeketi iikalamba, kibili yaiswilemo ubuci, nokupongolwela ubuci mukati mulya, atile, “Nomba yena yelasunga ifi.” Kibili atontonkenye ukuti imbokoshi, yali ni mbokoshi yalibwe, yali nokulepuka nokwitila ubuci, lelo tayacitile. Yene mukulekelesha yaikatene pamo nokubusunga.

<sup>104</sup> Apilibwike nokuya pesamba lyalupili. Ukuya pesamba lyalupili, aiminine pacifutu calupili nokulolesha kunuma. Amwene utumilonga tusano utwa aya ayapwililika, ayalengama amenshi, ayabula ukukoweshiwa kufintu yapulilemo, yali ayapwililika nokulengama, yaleisa bwinobwino. Elyo yaambile ukushingashinga. Nomba, pepifye nokuloba, kibili aletontonkanya ukuti bushe yalebala ayafika pansi yalupili, utumilonga tusano. Kibili ashibwike.

<sup>105</sup> Ndetontonkanya ico cili mupepi no kulungika, bushe tacili ifyo, Nkashi Shepherd?

<sup>106</sup> Nomba, ilyolinefye Nalesenda inkalata nokuti njisule, lintu Nshilati njibelenge, Namwene iciloto cakwe.

<sup>107</sup> Ifyo efintu ifiloto filondololwa. Nomba, abengi muli imwe mwalisa kuli ine nefiloto, no—no kusosa ifintu kuli ine pa filoto. Ine ntila, “Lolela miniti umo. Iwe taucilondolwele conse.” Mwamona? Nokuya kunuma nokucibula. Nomba ngacakuti tekuti ulande fintu walotele, musangonshi ukeshibilamo ubulondoloshi ukuba ubwalungama nangu iyo? Mwamona? Ufwile ukucita, ufwile ukumona iciloto. Icimonwa cifwile ukulanga iciloto. Kibili ilintu wamona iciloto cintu uyo muntu alotele, nokubeba ilyo tabalati bakwebe, nomba iwe nawishiba ubulondoloshi.

<sup>108</sup> Ukuba, Nalicetekela ukuti ico caba mu Malembo, naco, Daniel, inshita imo. Bushe ico tacali ifyofine? Atile...Ee. Ndecetekela Natontonkanyafye ili line pali ico. Mwamona?

<sup>109</sup> Lelo lyonse umone ciloto, nomba, ngacakuti ubulondoloshi buli ubwalungama. Umuntu atendeka ukukweba iciloto, iwe kuti wabemikafye, watila, “Loleleni miniti umo. Kibili cena cali ifi ne fi. Cali ifi ne fi, ukulundapo ifi ne fi.”

Kibili nomba mwatila, “Ico cili icalungama sana.” Mwamona?

<sup>110</sup> Umwaume, ubushiku bumo, aleesha ukunjeba iciloto cintu ena alotele. Atile, “Ukuba,” atile . . .

Natile, “Nomba, munyina, cinshi washilako cilya iciputulwa cimbi?”

Atile, “Ciputulwanshi cimbi?”

<sup>111</sup> Natile, “Iwe walotele ukuti waposele ilibwe mumulu, kibili Ine napikile kuli ena nokukwata fimo mulinso lyandi.”

<sup>112</sup> Atile, “Ico nifyofinefyne cishinka, Munyina Branham.” Kibili bena basendelepofye iciputulwa cakulekelesha pali cena, mailo. Uh-huh.

<sup>113</sup> Kanshi eifyo. Mwamona? Imwe mwamona? Cinshi? Taulanda icishinka caciko, lelo, iwe wacimona, Cena lyonse cilasokolola, ifyo, ceba iwe iciloto cobe, ifyo iwe walotele. Nomba iwe waishiba cena cintu calungama.

<sup>114</sup> Nomba, ubu e bulondoloshi bwaciloto cakwe. Ena ali sakamikwe palwa Mupashi wa Mushilo. Nomba, mukufika apakuti ena amwene imbokoshi pamulu walupili, iyali libwe. Imbokoshi ye libwe, e *libwe*, “icilumbulo.” Nomba, ngafintu Yesu asosele mu Malembo. Atile, Petro atile . . . “Nani,” Yesu atile, “nani untu abantu batila Ine, u Mwana wa muntu, ndi?”

“Umo atile Nimwe ‘Eliya,’ kibili ‘Mose,’ na fimbipo.”

Kibili Atile, “Lelo Nani untu imwe mutila Ine ndi?”

Atile, “Nimwe Kristu, u Mwanamwaume wakwa Lesa wamweo.”

<sup>115</sup> Nomba, abantu bambo batila nomba, ichalichi caba Katolika citila, ichalichi Roman Catholic lutila, ukuti Ukwakwe uku- . . . “Ico ilibwe lyali, ukuti Yesu atile, ‘Pali ili libwe Ndino kukuula i Chalichi Candi, kibili impongolo shakumbo tashakacimfyne kuli Lwena.’” Batile, “Cali pali Petro. Kibili Petro ewali lilya ilibwe, pantu *Petro* cipilibula ‘akalibwe.’ ‘Pali akakalibwe Nkakuula i Chalichi Candi.’” Kibili pali Petro, bena, ubupyani bwa butumwa, bakulile i chalichi.

<sup>116</sup> Elyo ichalichi ca ba Protestant catila, “Ico cilubo. Ico, cali nipa Mwine epo Akuulile i Chalichi.”

<sup>117</sup> Nomba, tekutalika, lelo, Ine, munshila yandi iya kucimwenamo, cili bonse babili baliluba. Pantu, tabalile akula Cena pali Petro, nangu Ena ukukuula Cena pa Mwine eka, lelo nipabusokololo bwakwa Petro buntu Ena Aali. Mwamona?

“Nani untu umuntu atila, Ine ne Mwana wa muntu?”

“Nimwe Kristu, u Mwanamwaume wakwa Lesa wamweo.”

<sup>118</sup> “Walipalwa niwe, Simoni, mwana Yona. Umubili no mulopa tafisokolwele ici kuli iwe,” seminali umo, mwamona, “lelo Taata Wandu uuli mu Muulu nasokolola kuli iwe. Iwe uli Petro. Pa libwe ili ilya kulumbula, pali ububusokololo, Nkakuula i Chalichi Candi.”

<sup>119</sup> Kibili ico caba, cila nkulo ya chalichi yalikwata lilya libwe lya kulumbula, ukutwalilila ukufika kuli ili libwe lya kulumbula ilya Laodikea.

<sup>120</sup> Kibili, nomba, imwe tekuti mupange ichalichi ca mushilo. Takwaba icintu ca musango nge chalichi ca mushilo nangu akabungwe ka mushilo. U Mupashi wa Mushilo kuti washimikilwa mwena, lelo umo imwe musanga abasuma nababi, bacisanguka, bacaibela, nefintu fyonse ifyashala. Eico akabungwe tekuti kasunge. Imwe tekuti mutile, “Ifwe twali Cikwata. Tapali nangu bambo mubashala aba Cikwata.” Iyo, mukwai. U Mupashi wa Mushilo upongolwelwa pali cila muntu. Nicila muntu.

<sup>121</sup> Eico, kanshi, ilibwe, abaababushiku bwakulekelesha, aba Chalichi ca pentecosti ulwapokelela u Mupashi wa Mushilo, bacitile pakubala. Monse ukupula munkulo, balapokelela u Mupashi wa Mushilo, lelo temucipimo cintu ba Ukwete nomba, pantu kubwekeshapo kwa cakubalilapo. Ngafintu tulesenda ifya kutekapo inyali, Alfa na Omega, ifyo ba ashishe inyali yakubalilapo; catwalilile ukunina nokunina, kibili caba icashibantukila nokushibantukila; elyo ukubwela nakabili. Mwamona? Ukutendeka nokulekelesha, nafimbipo.

<sup>122</sup> Nomba, lelo muli iyi nkulo yalukuta, i Mbila ilepongololwa muchalichi. Lelo umubili ya chilichi, icine, muli fyonse pamo kwati ni . . .

<sup>123</sup> Iyi tabenako, ifwe tutile. (Eko esa ku chalichi.) Ili te hema ya Mupashi wa Mushilo. Takwaba icintu camusango uyo. Cila muntu abo abesa muli cino chalichi ema hema ya Mupashi wa Mushilo. Bena ema hema ayabamo u Mupashi wa Mushilo, lelo te hema mumubili, ibumba. Eico, Wena walekunkuluka.

<sup>124</sup> Lelo, icintu, uyu mwaume uwalepongolola amenshi, inkombe ku chalichi, ukupongolola i Mbila mu chalichi, lelo cinshi cintu amenshi yalecita? Yena yalelungusha ukufumyamo fyonse ifisoso ifyali muli yena. Ifyo efyo Mupashi wa Mushilo acita, ukufilungusha, nomba.

<sup>125</sup> Nomba, ubuci bwaleimininako icitemwiko caba bwananyina, uluse lwa ba bwananyina, icili niyi nkulo. Ine nafumafye mukulanda, mwamona, pa citemwiko cababwananyina, inkulo intu tuleikalilamo nomba.

<sup>126</sup> Nomba, imwe kuti mwatila, “Mona, Ine—Ine—Ine cinecine nshatemwa Munyina Neville.” Nangu, “Ine cinecine nshatemwa Munyina Jones. Nshatemwa Munyina *Wakuti na wakuti*,” ne cintu cimo nge co. Lelo lekenifye icintu cicitike kuli ena, munyina, umutima obe wafunika. Cena nimupepi nokukwipaya. Mwamona? Ifwe kuti twakwata icitemwiko caba bwananyina nokumfwilako umo no munankwe. Mwamona? Lelo ukucisunga mwibumba lya bantu . . .

<sup>127</sup> Cinshi imwe musakamanina palwa ulya munyina? Pantu imwe mulamokola umukate nankwe pano pacintamba, ngafintu mwalacita lelo ubushiku. Imwe mulakwata isenge nankwe. Imwe mwali mufunkile muminwe yakwe. Imwe mushinshimuna nankwe. Ena ni munyinenwe. Kibili kuti acita icintu cimo mumubili, ico tamungasuminisha naco, pantu mwikalafye, (ico imwe tamufwile kucita), lelo mulemutaluka panono. Lelo pesamba lyamutima wenu, ngacakuti icintu cimo cacitike kuli uyo munyina, cena nipeci nokukwipaya, nangu ulya nkashi.

<sup>128</sup> Ndi—Ndi mwaume umukalamba. Nshita imo nali umwaice, kibili nomba Ine ninkula. Nali cimona, ukupula mu nkulo yonse, ukucita ico. Waumfwa abantu batila, “Nshikwetefye nelyo cimo icakucita nao.” Kibili icintu cimo cacitika kuli ulya mwaume, cikanga cimwipaye. Atontonkanya, “O mwe Lesa, Ndeke munyina watemwikwa ukuya, ukwabula ukupanga bucibusa nankwe.” Mwamona? Mwamona? Mwamona? Citemwiko caba bwananyina. Cimoneka kwati teti cilambatile, lelo cilalambatila. Ubuci, bulalambatila.

<sup>129</sup> Nomba, mukuti afumine kulya, ukutentemuka ulupili, ukufika pesamba lyalupili, nomba, aya amenshi yawamisha yalekulukula pampili, mutumilonga tusano. Nomba, cisano ni mpendwa yakusenamina; J-e-s-u-s, f-a-i-t-h, g-r-a-c-e. Mwamona? Cisano nimpendwa yakusenamina. Utumilonga tusano twaleitila ukufuma pamulu apa pambeketi, ukwisa pansi ukupula *umu*.

<sup>130</sup> Cila imo muli ishi nkulo yalikwete lilya libwe lya cilumbulo. Abashila balilala, ukulolela, ukulolela, ukulolela, ukulolela, mwamona, ifyofine mpaka ino nkulo. Lelo nombaline u Mupashi wa Mushilo, uule pongololwa ukufuma muli Kristu, ukesa kibili nokukakatika u Lukuta. Nomba u Lukuta luka sumbulwa. Cikaba cintu icapwililika icakwa Lesa, na Bwinga wakwa Kristu, uukaba u Mutwe wafintu fyonse. Bushe mwa nkonka nomba? [Ulukuta lwatila, “Ameni.”—Kale.]

<sup>131</sup> Nomba, aletontonkanya. Nomba, muciloto cakwe, aletontonkanya, “Bushe akakamulonga... Bushe akakamulonga kakatala akafika pesamba?” Mwamona? Kena kale kama. Nomba, ukuba ifyo, ena umwine eka. Nomba ififi ifintu Ndefwaya imwe mufikeko nomba. Ena umwine eka aletontonkanya palwakwe umwine. Bushe ena “alikwete u Mupashi wa Mushilo”?

<sup>132</sup> Nomba, Nakene ukulanda ici, inshiku shinono ishapitapo, ukutontonkanya ukuti ulukuta lukaba ulwa mumupashi icakuti lukacimona. Kibili limbi Ine cawama ukushimya uyu tepu ili line, lelo pantu Nshilefwaya yena ukufumina kunse pakati kababwananyina. Lelo imwe kuti mwalandila mundimi, kuti mwapunda, kuti mwashana, kuti mwatamfyia ifibanda, ukucita

icili conse cintu mulefwaya ukucita, kibili nokwabula kukwata u Mupashi wa Mushilo.

<sup>133</sup> Bushe balya abasambi tababwelele, balesangalala nokupunda pantu ifibanda fyalebelia kuli bena, na Yesu... pakati kabofye pali Yuda?

<sup>134</sup> Bushe Yesu tasosele, "Muli bulya bushiku," ilintu Akesa, ukuti, "abengi bakesa kuli Ine nokuti, 'Shikulu, bushe Nshatamfishe ifibanda, kibili mwi Shina Lyenu ukucita imilimo iikalamba?' Kibili Nkatila, 'Fumeni kuli Ine, imwe bancita fibi. Nshamwishibe.'" Ifyo tefishibilo fya Mupashi wa Mushilo.

"Kufisabo fyabo eko mukabeshibila."

<sup>135</sup> Nomba mwatila, "Munyina Branham, ifwe tucite, bushe ifwe tulelandila mundimi?" Cinecine. Ifyo fyabupe ifyakwa Lesa. Lelo ifyo ifya bupe ifyakwa Lesa, ukwabula ayamaka muli bena, cilenga icipunwisho kuushacetekela. Cena tacipokelelwa kuli Lesa.

<sup>136</sup> *Ici* cifwile cabia icakubalilapo. Kibili ilyo mwakwata icitetekelo, ubulumba, ukwishiba, ukuiteka, ukushipikisha, bukapepa, necitemwiko cababwananyina, lyena u Mupashi wa Mushilo waika noku kukakatika iwe nge cintu cimo, cimo cine ngafintu Ena akakatika inkulo shankuta nge cintu cimo. Inshila Ena apangilamo Nabwinga Wakwe enshila Ena apangilamo cilamuntu u Wakwe; abapangwa kufipe fimo fine, ngafintu Efa apangilwe ukufuma kuli Adamu, ulubafu ukufuma kulubali. *Ifi* efintu ifyo imwe mufwile ukukwata pakubalilapo. Tekuti muipashanye kuli fyena. Tekuti mucite efyo filecita. Fyena fifwile ukutumwa na Lesa nakufyalwa na Lesa. Ukupashanya kulgafye icimfulunganya.

<sup>137</sup> Cena cili nga fintu Nasosele. Bushe kuti mwaelenganya ukumona pungwa naikala palya nesako lya nkunda ilyasomekwa mu mapindo yakwe, ukutila, "Moneni, Ine nine nkunda!" Ena tenkunda. Ena ni pungwa, ikubi. Bushe imwe kuti mwaelenganya icuni icafita nesako lyakwa pikoko mumapindo yaciko, nokutila, "Moneni!"? Ico cintu cimo ico cena casomekemo.

<sup>138</sup> Lelo cifwile ukufuma mukati ukwisa kunse, kibili citwala ubwina Kristu; Lesa, kumaka ya Mupashi wa Mushilo!

<sup>139</sup> Nkashi yesu ali namakasa ayabomba lintu afikile pesamba. Ifwe bonse twalimwishiba Nkashi Shepherd ukubakapela. Ing'anda yakwe yali isuka. Ena na munyina, Ine nshilesakamana ni katolaisha, kalomba, icili conse, kuti bamulisha, conse cintu benga cita kukumwafwilisha. Oh! Lesa alipokelele ico, iciputulwa ca mufula wakwe.

<sup>140</sup> Kibili ici, nomba, umfweni ili isambililo. Ici e cilubo na ba-na ba...Ine na asha palici. Ici ecilubo naba Branham Tabernacle. Mwamona, kwaba imibebe iyapusana ibili iya

citetekelo. Kwaba imibebe iyapusana ibili iya maka, nga fintu Nacibikile bumo ubushiku. Imibebe iyapusana ibili iya kwishiba. Imibebe iyapusana ibili iya kuiteka.

<sup>141</sup> Umo atontonkanya ukuti cena kuilesha, bena bakwata. Ico teuyo musango wakuiteka untu Lesa alelandapo. Ico nibulya ubwabula lesa, icipyu icishinga tekwa cintu wakwata, nefintu fya kulubali ulo, ukusasuka, ukuilishanya.

<sup>142</sup> Ukushipikisha, nafimbipo, kuli icakupumya kuli cena, ukuibepesha ukuba; icitetekelo cacifyalilwa; ubulumba bwacifyalilwa. Kwaba ukuiteka-kwa cifyalilwa. Fyonse ifi fintu fya cifyalilwa.

<sup>143</sup> Kibili iciputulwa cikalamba ica citetekelo cesu cicitetekelo cakumano. Ukupitila mukumfwa i Cebo, cituleta kukwishiba Lesa ukupitila mumano.

<sup>144</sup> Lelo ngacakuti Ici, ukufuma ku Muulu, oh, munyina, ngacakuti Cena cakunta pali *ici*, paba icitetekelo camupashi icabulesa. Nomba cinshi cintu ico citetekelo cicita? Ico citetekelo caishibafye i Cebo. Temulandu shani icili conse cingasosa, cena cishibafye i Cebo, pantu, “Pa kutendeka kwali i Cebo, kibili i Cebo cali na Lesa, na Cebo ali Lesa.” Kibili ne Cebo cicili Lesa. “Kibili i Cebo caishileba umubili nokwikala pakati kesu.” Kibili ilyo i Cebo Icine cileipongolola mucitetekelo cesu, icitetekelo cesu icamano ciba ubusokololo bwakumupashi.

<sup>145</sup> “Kibili pali uyumufula Ine nkakua i Chalichi Candi.” Mwamona? Te pamano ya kwishibafye ayakuilunda ku chalichi amano yakewishiba aya Ico; lelo pabusokololo, ilintu utumilonga twakusenamina natupongolwela muli cilya citetekelo camano cintu wakwata. Nomba, pali ubu, ubusokololo bwaku mupashi, “Nkakuula i Chalichi Candi, kibili nempongolo shakumbo tekuti shi Cilwische.” Mwamona? Ico cilelanga ukuti bakale Cilwisha, lelo tacakatale acicimfyia. Oh, wecintu ubusuma! Nomba moneni icitetekelo. Ututumilonga tusano . . .

Ine nali nakapimfyia ka choko apa, lelo Ndemona ena tacikaleta.

<sup>146</sup> Lelo utumilonga imwe mulemona ukwika ukupita umu, ukukuminkanya *ifi* pamo. Cali ni Mupashi wa Mushilo uwapangile ulukuta lwabena Efese. Cali ni Mupashi wa Mushilo uwafyele ichalichi ca bena Smurna. U Mupashi wa Mushilo uwapele ichalichi ca Pergamo, nolukuta lwa Tuatira, mu Nkulo sha Mfifi. Ni Mupashi wa Mushilo uwakuula uyo Nabwinga, u Wasalwa uwafuma muli yonse imibebe yatubungwe ukupula munkulo, ngafilya. Kwaliba u Wasalwa, u walashikilwa libela Nabwinga wakwa Yesu Kristu, untu Mupashi wa Mushilo aita ukufumamo u Wasalwa. Kibili caba ni Mupashi wa Mushilo muli *iyi* nkulo, *ilye* nkulo, *ilye* nkulo, *ilya*, *ilya*, *ilya*, *ilya*, ifyofine mpaka pa mulu, u Mupashi wa Mushilo.

<sup>147</sup> Nomba nga muli cilamuntu, ayamaka nefintu, ifili ukwishiwa nokuiteka, filalundwa kucitetekele cesu. Nomba ilyo Ilibwe lyapamulu lyaisa, u Mupashi wa Mushilo wa Ci lambatika pamo. Ulo elubatisho lwa Mupashi wa Mushilo. Emulandu wine uli uwapelebela ileelo.

<sup>148</sup> Namona apa, Ninkwata imitwe ye lyashi imo iilembelwe apa. Natu mone. Ine ndinecikope nalengele kuno, ica ciloto cakwe. Mwamona? Imwe teti mucimone uko.

<sup>149</sup> Nomba, ukufuma ku Mupashi wa Mushilo, cinshi caisa? Nomba Ena akamupela, icitetekelo capulamo, icitetekelo cakumupashi, ico *apa* pesamba. Nomba ico citetekelo cakumupashi cishibafye i Cebo epela. Cibe shani fintu uuli onse uwashala asosa, cene tekuti—cena tekuti cicite icisuma. Ico caishibafye i Cebo epela. Ngacakuti umuntu umo atila, “Inshiku sha fisungusho shali pita.” Ico citetekelo caishibafye i Cebo. Umuntu umo atila, “Takwaba icintu camusango nga ulubatisho lwa Mupashi wa Mushilo.” Ico citetekelo caishibafye i Cebo. Ico e cinecine, icicetekelo cakumupashi, mwamona. Ico cacine. Mwamona? Cena caishibafye i Cebo epela.

<sup>150</sup> Nomba, ico empendwa yacimo. Impendwa cimo, ukwisa kuli iwe, icitetekelo cobe icaku mano apa pene, aisa u Mupashi wa Mushilo ukwisa ukwika mucitetekelo cobe icaku mano, ukucipanga icitetekelo cakumupashi. Nomba icitetekelo cakumupashi caishibafye i Cebo.

<sup>151</sup> Nomba, kibili icalenga bubili, butatu. Nomba mukakwata bumupashi, imwe muka kwata u Mupashi wa Mushilo, kibili ukukakatika *ifi* fintu fyonse muli imwe, lintu ulya Mupashi wa Mushilo wafimba *ifi*. Ukufuma kucitetekelo cenu, ukufika ku Mupashi wa Mushilo, wamukakatika mukati na Kristu. Nomba mwaba Umo. Ameni. (Fumyeni ici cintu munshila yandi; cena cintu cakosa pa maboko.) Imwe mwaba umo. Mwamona, imwe na Kristu muleikala pamo. “Pali bulya bushiku imwe mukeshiba ukuti Ine ndi muli Taata, Taata muli Ine; Ine muli imwe, naimwe muli Ine.” Mwamona? Nomba ico e cimo icakakatika icakwa Shikulu Lesa nomba.

<sup>152</sup> Kibili ilyo bena bashininkishiwa no kubikwa mucifulo. Ilintu iyo nshita yacitika, bene baba abanabaume na banabanakashi bakwa Lesa.

<sup>153</sup> Bushe imwe muleibukisha, uku mwi Buku lya kwa Mateo, icipandwa calenga 17, vesi wa 1 ukufika vesi 5, Yesu pa Lupili lwa Kwalulwa?

<sup>154</sup> Mwalyumfwa *Kutikeni Kuli Ena*. Imbila Nashimikile fye nombaline, kuno nalimo umwaka wapitapo, iyashimikilwe, yalumbwike ngashi, *Kutikeni Kuli Ena*. Ukubikwa kwa mwanamwaume, mu abena Efese 1:5 namo, “Lesa aulingiile kabela kukuba abana.”

<sup>155</sup> Mwamona, ulupwa, ilintu umwanamwaume afyalwa muli lwenea ena mwanamwaume ilyo. Lelo uyo mwanamwaume alikwete bakafundisha abakumukusha. Kibili ngacakuti uyo mwanamwaume tafikile pa—pakuba umwanamwaume wa lungama, ena taleba impyani. Lelo ngacakuti ena ali uwalungama, kibili umwanamwaume uwalenakila wishi, lyena ulya mwanamwaume alebuulwa, nangu ukubikwa mucifulo. Ena aba impyani yafintu wishi akwete.

<sup>156</sup> Kibili ico icintu Lesa alecita pa Lupili lwa Kwalulwa. Lintu Asendele Umwana Mwaume Wakwe, panuma Ena nashininkishiwa ukuba u Mwanamwaume walungama, mwamona, kibili ashipikishe mumesho yonse, Ena a Musendele pamulu pa Lupili lwa Kwalulwa noku Mukupa.

<sup>157</sup> Namwishiba, mu Cipangano Cakale, bale bulu umwanamwaume, bamufwika mucisuma, icakufwala icayemba, nokumufumisha ku cintubwingi. Kibili balekwata ukusefy kwakusonta, nangu ifwe tuciita ukusontwa ubwana. Mu abena Galatia mulya, Ndetontonkanya ukuti Paulo alelosha kuli cena nga ukusontwa kwa banabaume. Nomba, lelo, ukubika umwanamwaume, bakashimikila balaumfwa, naba mumupashi, bakabelenga ba Baibele, palwa kubika mucifulo kwa uyu mwanamwaume. Mu mashawi yambi, umwanamwaume aali umwanamwaume ilintu afyelwe.

<sup>158</sup> Apo epo abantu besu ba Pentecosti bapangile icilubo cabio. Ukufyalwa mulupwa, ku Mupashi wa Mushilo, ico cacine, lelo nomba ifwe tufwile ukuba abana bamusango uwalungama, abafundwa kuli Kafundisha walungama. Mwamona?

<sup>159</sup> Nomba, ngacakuti umwaume, kunuma mubukote, atontonkanya pamwanamwaume wakwe, ena alefwaya ukuba umwana umo walungama, alebuula kafundisha uwaishibisha untu engasanga, kafundisha uwaishibisha, pantu alefwaya ukuti umwanamwaume ukukula ukuba nga wishi. Mwamona? Eico alebula kafundisha uwalungama.

<sup>160</sup> Nomba, ngacakuti umuntu pesonde kuti atontonkanya pali kafundisha uwaishibisha, nga Lesa, Shifwe? Nomba, Ena tabulile bacilolo, nabakadinale, nabashimapopo. Abulile u Mupashi wa Mushilo ukuba Kafundisha wesu. Kibili u Mupashi wa Mushilo e Kafundisha wesu. Kibili Wena—Wena waba mu Chalichi, kibili Wena utwala imfila kuli Taata.

<sup>161</sup> Kibili lnomba nga ngacakuti wishi wakwa kafundisha aishile nokutila, “Ukuba, Taata...” Nomba, takakwate kafundisha umo uufwaya akacani mucisote cakwe, namwishiba, isako, ifwe tuciitefyo. Atila, “Oh, ngacakuti Naeba wishi icintu cimo pali... Kalya kalumendo nikacisanguka, nakuba, lelo ngacakuti Ine—ngacakuti Naeba wishi, wishi limbi kuti anundilako amalipilo.” Uyo ifyo tekafundisha walungama. Kafundisha walungama aba uwacishinka, asosa icine.

<sup>162</sup> Kibili Mupashi wa Mushilo asosa i Cishinka ilintu Aisa kucinso cakwa Lesa, palwa ifwe. Ee. Eico Alafika. Bushe uletontonkanya finshi? Ena kuti aumfwfa insoni ilelo kukutila, “Abana banakashi benu bonse baleputula umushishi wabo, kibili Mwabebele ukukanacita. Abanabaume benu bali namano-yakwampanya nganshi, tabafwayafye ukumonana icinso ne cinsos. Ico cacine. Kibili basala *ici* pali Ici, na *ici* pali Cilya.” Efyo Ena engomfwa insoni! Lelo ifyo ulya Kafundisha enga temwa ukwisa nokusosa, “Oh, mwe! Ulya mwanamwaume mwanamwaume umwinemwine. Abafye nga Wishi.” Oh, ifyo Enga temwa ukusosa ico! Mwamona?

Nomba Wishi aitutumuna mucilumba, atila, “Uyu emwanamwaume Wandi!”

<sup>163</sup> Efyo eifyofinefye Lesa acitile pa Lupili lwa Kwalulwa. Moneni, kwamoneke Mose na Eliya. Kibili Petro, nensansa; icapulamo cactilwe. Petro ali nensansa, atile, “Natukuule insakwe shitatu, imo i Yenu, naimbi iyakwa Mose, na imo iyakwa Eliya.”

<sup>164</sup> Lintu acili alelanda, Lesa amuleseshe. Atile, “Uyu e Mwanamwaume Wandi uwatemwikwa muli Ena Ine emo mbekelwa. Kutikeni kuli Ena.” Mwamona? Lesa aibikile Umwine kunuma, kibili, “Uyu e Mwanamwaume Wandi.”

<sup>165</sup> Mose aiminineko ifunde. Ba kasesema baiminineko ubupingushi Bwakwe. Ifwe nga tatwaikalile kwifunde Lyakwe. Ifwe nga tatwaikalile kubupingushi Bwakwe. Ine nshi lomba ubupingushi. Ine nefwaya uluse, tebupingushi. Ine tekuti nsunge ifunde Lyakwe, kibili teti Nkumane nobupingushi Bwakwe. Lelo Ndekabila uluse Lwakwe. Kibili Lesa atile ifunde nobupingushi fyali fikilishiwa muli Ena. “Ena e Mwanamwaume Wandi uwatemwikwa. Kutikeni kuli Ena. Ena e uyo Wine. E uyo Umo.”

<sup>166</sup> Nomba, mu Cipangano Cakale ilintu ulya mwanamwaume alesontwa ubwana, nangu ukubikwa pacifulo mulupwa, ishina lyakwe lyalife ilyamaka pali ceke ngafintufye ishina lyakwa wishi lyali. Ee, mukwai. Tabakwete i...Bena bakwete inindamunwe, shilya nshiku, i-i cishibili, ikosa. Kibili bale...[Munyina Branham apanga iciunda cakufwisa nokuma pacintamba—Kale.] Ukufwihilapo, ukulibika, paali ikosa. Ico calife...Afwele inindamunwe yakwa wishi, ikosa lyakwe. Kibili ilyo lyalife cimocene amaka ngafintu ilyakwa wishi lyali.

<sup>167</sup> Nomba, ilyo Yesu ali uwanakila, Yesu kuli Lesa, Lesa a Mubikile mucifulo, “Uyu e Ena.”

<sup>168</sup> Nomba, ilyo membala afyalwa ku Mupashi wa Mushilo mulupwa lwakwa Lesa kibili ashininkishiwa ukukwata aya amaka muli ena, ukuti Lesa kuti amona amaka, ukwishesha, ukuiteeka, ukushipikisha, icitemwiko caba bwananyina,

nabulesa, muli ena, nomba Lesa amukakatika, nangu amubika pacifulo. Kibili, apo, epo nomba imwe mumona abanabaume nabana banakashi bakwa Lesa.

<sup>169</sup> Nomba, abena Efese 4:30 yatila, “Mwilenga u Mupashi wa Mushilo uwakwa Lesa ubulanda, untu imwe mwakakatikilweko ukufika u Bushiku bwakulubulwa kwenu.” Nomba, bamu muli imwe ba Baptisti abalefwaya ukutwalilila pakucingililwa kwa Muyayaya, nomba, ngacakuti imwe mukafika pali ico cifulo, Nkeminina na imwe. Cena kucingililwa kwa Muyayaya ngacakuti imwe mwafika pancende iyo.

<sup>170</sup> Lelo ukusosafye, uuli onse alasosa, “Ine nalilunda ku chalichi caba Baptisti. Ine nine Presbiteriani. Nalikwata ukucingililwa kwa Muyayaya.” Ico cilubo. Umweo wenufyeyushininkisha ukuti imwe tamwa Ukwata, mpaka Ifi fyabamo.

<sup>171</sup> Kibili Lesa alikusonta ubwana nokukakatika iwe kuli Mupashi wa Mushilo ukwingila mu Bufumu Bwakwe, nomba takwaba kufumamo muli ici. Iwe uli uwacingililwa u Muyayaya. Cetekela. “Mwilenga ubulanda u Mupashi wa Mushilo wakwa Lesa untu imwe onse na maka yabulesa mwakakatilwa mpaka u Bushiku bwa kulubulwa.”

<sup>172</sup> Ine nalicetekela kuli Nabwinga uwa lashikilwa libela. Nalicetekela Lesa ukuti atile Ali nokukwata “u Lukuta ulwabula ifiko nangu ulukanshi.” Nalicetekela mukulashikilwa libela, ukuti Nabwinga alilashikilwa libela. Afwile ukubako Kulya. Ndesubila Ndi Nankwe. Ico, moneni, Ine ndi Nankwe. Nomba cili kuli ine ukubomba ipusukilo lyandi na Lesa, mpaka *ifi* fintu fyasuminishiwa kuli Lesa, kibili elyo ukukakatikwa ukwingila mu Bufumu bwakwa Lesa. Uyo e Mupashi wa Mushilo. Iyo eineine imilimo yakwa Lesa. “Cena kukakatikwa mpaka u Bushiku bwakulubuka.”

Ico ecali iciloto cakwe. Natontonkenye ukuti cena kuti caba icisuma.

<sup>173</sup> Nomba, eico, ilintu Ena acita ifyo, ilintu cilya i Chalichi cafika pacifulo ici, nangu cilamuntu, i Chalichi cili nokuba Kulya. Lekeni ncilande bwibwino pakuti mucumfwe. I Chalichi calilashikilwa libela ukuba Kulya. Ndefwaya ukuba Nalo, lelo inshilafye Nkaba Nalo, ukuba iciputulwa ca Luko. Ni mumusango nshi Ningaba iciputulwa ca Luko? Ku kuba muli Cena. Kuti Naingila shani muli Cena? Kupitila mulubatisho, ku Mupashi umo. Uwakubalilapo abena Korinti 12, “Ku Mupashi umo ifwe bonse twalibatishiwa mu Mubili umo.” Umo u Mubili; ukubatishiwa muli Ena.

<sup>174</sup> Lelo imwe tekuti mukambatikefyе ututuntu utunono, ukutila, “Nalandile mundimi. Nali Ukwata.” Iwe wafumina kunse uku, kibili naukalipa, nokutukana, nokutwalilila. Mwamona? Uko kubika amasako yakwa kalukuluku muli—muli

mwankole. Mwamona? Imwe tekuti mucicite. Umweo wenu wine ushininkisha ukuti ico te ico.

<sup>175</sup> Lelo ilyo ifi fintu filebomba muli iwe, ukupitila muli Lesa, nomba iwe naukakatikwa. Lyena takuli icakuifwika pali cena. Iwe ulifye ifywo waba. Ico elyo ifimonwa, ifyapwililika, Mupashi wa Mushilo, imilimo yakwa Lesa, ifintu fyonse, fyalandangwa, pantu (cinshi?) iwe na Kristu mwaba umo. Ndesubila ico caumfwika. Iwe na Kristu mwaba umo.

<sup>176</sup> Nacikwata nafimbi ifintu Nalembele apa, Nalefwaya ukutontonkanyapo. Icituleta kuncende ya Mweo. Nomba imwe mwaba...mwakwata u Mweo wa Muyayaya.

<sup>177</sup> Nomba, Ninkwata ishiwi ya ci Greeki pano, *The Emphatic Diaglott*. Nalebelenga bumo ubushiku peshiwi limo.

<sup>178</sup> Nomba, muli Yohane 14, nangu Yohane 3:16, tulesanga, incende imo patila, “ukukwaba u Mweo waku *twalilila*.” Incence imbi yatila, “ukukwata u Mweo wa *Muyayaya*.” Lelo muci Greeki, mubulondoloshi bwa ci Greeki...Mu ci Hebere, cisosa, “Mweo wabula impela.” Mwi shiwi lyaci Greeki, lyakwata a-i-n-i-o-a-n.

<sup>179</sup> Pepifye kwati “aeon.” *Aeon* ni “ni nshita” iyo iiishinga ba, ni mpPENDWA i shinga pendwa. Ena yali pita pamallioni, amatrillioni patatu, amabilionni pabili.

<sup>180</sup> Lelo iyi ni *aionios* yanshita, Umweo wa Muyayaya. Kibili ne shiwi lyaciko ilya ci Ngeleshi Muyayaya. Ifwe twacishiba nga u Muyayaya, *aionios*, nangu “Mweo wabula impela.” Mwamona? Kibili ngacakuti imwe na mukwata u Mweo wabula impela, kuti mwaloba shani? Iwe nauba iciputulwa ca Muyayaya. Kibili kwabafye icintu cimo ica Muyayaya.

<sup>181</sup> Satana te Muyayaya. Iyo. Ena—ena aishileba Satana. Kumbo te Muyayaya. Kumbo kwalengelwe. Kwena te Muyayaya. Kibili iyi mibili teya Muyayaya. Yena yalilengelwe.

<sup>182</sup> Lelo u Mupashi wakwa Lesa wa Muyayaya. Wena tawabalile aukwata intendekelo, nangu Tawabala aukwata impela. Kibili nenshilafye ifwe tungakwatilamo Umweo wa Muyayaya, ukufuma kuli ilyo ishiwi lya ci Greeki, *Zoe*, icipilibula, “Mweo wakwe Lesa,” ifwe twakwata, ifwe twaba iciputulwa cakwa Lesa ilyo twaba abanabume na banabanakashi bakwa Lesa, kibili ifwe twakwata u Mweo wa *aionios*. Eico iciputulwa icili nomweo, ifwe, ico icishiba ici Cebo, ukufuma *apa* ukufika *uku*, icishiba, e Mweo wa *aionios*, “Umweo wabula impela.” Wena e Mweo wakwa Lesa Uwine muli ifwe. Ameni. Whew!

<sup>183</sup> Bumo ubushiku, palwendo, Nakwete ukulanshanya, uwa Nte shakwa Yehova. Nomba, ukukana isula ukucetekela kwa uuli onse. Ifwe natukwata abengi muli bena abapilibuka abekele muno, ukufuma ku Nte shakwa Yehova. Umo mubalolesha pafipe mu chalichi cesu aali i Nte yakwa Yehova, *ali*, kibili

alipusushiwe, nolupwa lwakwe. Wishi ali nikabelenga; Munyina Woods na bena. Bonse bamunyina nenkashi nomba, nalimo bonse muli bena baliisa, nokupokelela Mupashi wa Mushilo, kumulandu wafimonwa fyakwa Lesa ukubeba fintu bena bacitile. Kabili fintu bena . . . Mwamona? Ifyofine.

<sup>184</sup> Nomba, lelo muno, i Nte shakwa Yehova mwibuku lyuabo, casosa ukuti umwela untu imwe mupema emweo. Nomba, ico tekuti cibe icalungama. Umweo untu imwe mupema temweo. Ngacakuti eo, imwe muli—imwe inshita imo muli umusango umo uwa mweo, inshita imbi muli umusango umbi, uupemene ulya mweo. Moneni uko imwe mwingafika. Nomba, umupu emwela, nomwela euntu imwe mupema mumyona yenu.

<sup>185</sup> Nomba, bena babuula a Malembo ukufuma kunuma, “Kabili Lesa apatile Umupu mumyona yakwe, na ena aba icibumbwa camweo.” Nomba, Ndefwaya ukumwipushako icintu cimo. Ngacakuti aali umuntu, musangonshi uwa mupu ale peema ilintu Lesa talaputila Umupu Wakwe uwa Mweo muli ena? Mwamona? Musangonshi wamupu? Ena alepema, umuntu wa mweo. Ukuba, nomba, ngacakuti cili ifyo, kanshi inama yonse ili cibumbwa ca mweo, pantu shena shipema umweo wamuntu, kabili umweo wesu, kabili bonse pamo. Kanshi Yesu talekabilwa ukufwa. Ukuuuula kwa nama nga kwalilingile. Mwamona? Eico, munyina, ilyo itontonkanyo teti liminine.

<sup>186</sup> Lelo cintu Lesa acitile, Ena apatile u Mupu wa Mweo wa Muyayaya, ameni, elyo aba i cibumbwa ca mweo, umweo uushingafwa. Nomba lolekesheni nomba. Ifwe twalaingila mubuci, ukufikafye munkonkon shenu. Moneni. “Ukuputa u Mupu wa Mweo wa Muyayaya mu myona yakwe, nao aba umweo wa Muyayaya.” Pantu, Lesa apatile, tefintu ububumbo bwacita, lelo fintu Lesa acitile, ukuputa u Mupu wa Mweo mumyona yakwe, namwene aba icibumbwa ca mweo.

Nombaimwe mwatila kuli ine, “Adamu alifwile, Munyina Branham.”

<sup>187</sup> Lelo ibukisheni, lintu Adamu talafwa, akwete umwana wampaanga uwamulubwile. Alelluya! “Abo abo Aishibile libela, Alibeta.” Abulile umwanawampaanga ukubalubula. Aali cipasho. Adamu aliwile. Nomba umwana wampaanga apekanishiwe kuli Adamu, pantu kalekale mumyona yakwe mwali u Mupu wakwa Lesa wa Muyayaya, kabili aali icibumbwa camweo. Aali umwanamwaume wakwa Lesa.

<sup>188</sup> Te mupu wakwe, nge shiwi lya cina Africa. Nshaishiba fintu ishiwi lya ci Greeki lyaba kuli yena, pali inonshita. Lelo ishiwi lya cina Africa, bena bacita *amoyah*, icilepilibula, “umwela; amaka ayashimoneka.” Inama shipema amoyah. Ababembu bapema amoyah.

<sup>189</sup> Nomba cinshi ifwe tungala lwishisha ku Mweo wa Muyayaya, ngacakuti uyo mweo wa Muyayaya uwapuutwa muli

ifwe ukupitila mu kupema? Cinshi ico ifwe twingalalwishisha ku Bumi bwa Muyayaya? Cena cafilwa, munyina. Mwamona? Cena—cena—cena teti cicitwe.

<sup>190</sup> Lelo, Lesa, makamaka pali Adamu, aputile u Mupu wa Bumi bwa Muyayaya, nao aba umuntu wa Muyayaya pamo na Lesa. Ena akwete amaka nga Lesa. Aali nikalesa kanono. Aali lesa wapesonde; te Lesa waku Muulu, nomba. Lesa wapesonde!

<sup>191</sup> Kibili ubushiku bumo abanabaume bakwa Lesa nakabili bakaba balesa. Yesu asosele ifyo. “Bushe tacalembwa mumalango yenu, ‘Imwe muli balesa’? Nomba ngacakuti imwe kuti mwaita aba bantu Aitile lesa, bantu Lesa atandalile, kuti imwe mwa Nseka shani, ukuti, ilintu Natila Ndi Mwanamwaume wakwa Lesa?” Mwamona? Nomba ifwe tuleingila mucintu icashika. Nomba moneni ici ilintu tulecikonkomeshua.

<sup>192</sup> Nomba, aba apa. Ena nomba mwanamwaume wakwa Lesa, lelo apanga icilubo. Naishiba ukuti alecita icilubo. Nomba ibukisheni, Adamu tabepelwe. Baibele Yasosa ifyo. Uwakubalilapo Timoti 3. “Adamu tabepelwe, lelo umwanamwanakashi alibepelwe, awile mulubembu.” Adamu aendele pamo na Efa, pantu ali mukashi wakwe.

<sup>193</sup> Cimo na Kristu, tabepelwe kuli Satana, lelo aendele ukwingila mumfwa pamo na Nabwinga. Aile mukuba na Nabwinga, pakuti Engalubula i Chalichi.

<sup>194</sup> Adamu alishibe ukuti nalufyanya, eico aendelefye kunse pano na Efa. Mwamona? Lelo kwali umwanawampanga uwapekanishiwe kuli bena, ukuti bena bali abalubulwa.

<sup>195</sup> Kibili aba abanabampaanga, ileelo, abaishibilwe libela kuli Lesa, kibili Lesa aliita, u Mulubushi uyo. “Takuli umuntu uwingesa kuli Ine kano Taata Wandi amwita. Kibili bonse abo Taata a Mpela bakesa kuli Ine.” Bushe cacine co? Eico kuli u Mwanawampaanga uwapekanishiwa, ukutula kumufula wesonde, uko amashina yabo yabikilwe mwi Buuku lya Mweo ilya Mwana wampaanga. U Mwanawampaanga alipelwe, kukulenga inshila yakusenamina kuli onse uwa muli bena ukuba mubututubuko, u Mwanawampanga uwapelwa; umwanawampanga wakwa Adamu, nomba moneni, ngafintu Adamu ali no mwanawampanga uwapelwa.

<sup>196</sup> Nomba, ico i Chalichi ileelo. Nshilepilibula i—i chalichi. Namwishiba ico?

<sup>197</sup> Nshilesosa ici ukuba uwakuponta, kibili Nshile pilibula ukucena imyumfwile yamuntu uuli onse. Ine nshili pano mukucita ico, ngafintu Ndondololwele kale nemwine. Ndi pano kukwafwilisha, lelo icintu Ndeesha ukucita . . .

<sup>198</sup> Namwishiba ukuti? Nakuba, aya amachalichi te machalichi. Kwabafye cimo i Chalichi. Ishi ni ng’anda shakutushishamo. Mwamona? Shena ni ng’anda shakutushishamo. Nshikwete

nangu cimo... Cena nacilungama. Lelo Nde—Ndefwaya ukushininkisha ico kuli imwe, muli ba miniti abanono, ukuti shena ning'anda sha kutushishamofye. Imwe muli ba mu ng'anda ya kutushishamofye iya Methodisti, mu ng'anda ya kutushishamo iyaba Presibiteriani, nangu ku ng'anda ya kutushishamo iyaba Pentecosti, konse kuntu cingafika. Ee, um-hum. Ing'anda sha kutushishamo! Mwamona? Imwe tekuti... Mwamona? Amachalichi nakuba ning'anda sha kutushishamo uko abantu namatotonkanyo yamo bolwila pamo.

<sup>199</sup> Lelo i Chalichi caba bu Umo. Kibili tekuti mui'lunde kw'i Chalichi. Mufyalwa muli Cena. Kibili lintu imwe mwafyalwa muli Cena, mwaba bamembala ba Ciko.

<sup>200</sup> Cimocinefye ngo lupwa lwandi. Naba mulupwa lwa bena Branham pamyaka amakumi yasano na-itatu. Bena tabatalile kunjipusha ukuilunda ku lupwa. Cinshi? Nshilefwaikwa ukUILunda kulupwa. Nafwelwe Branham.

<sup>201</sup> Kibili mwafyalwa mu Chalichi. Nomba, aya ayashala mayanda yakutushishamo. Bushe mwatala amutontonkanya pali ico? Ee, mukwai.

<sup>202</sup> Ubushiku bumo Nalekwempa icani, kibili Naletontonkanya palwa, ukuba, "Icikalamba ica mushilo ichalichi ca Katolika," efyo bena balwiita. Naletwalilila nga filya, ndekwempa.

<sup>203</sup> Kibili i Cintu cimo canjimike, kwati kumafye, catile, "Wilaita lulya Ico." Ine naloleshe monse. Natwalilile ukukwempa. Kibili Canjimike, catile, "Wilaita bena Ico." Catile, "Bena ni ng'anda yakutushishamo, ngabashala. Bene tabali i Chalichi. Kwaba i Chalichi cimo." Mwamona? Bena ni bamembala ba ng'anda ya kutushishamo, pantu imwe kuti mwailunda ku ng'anda ya kutushishamo. Lelo tekuti mui'lunde ku Chalichi. I Chalichi, mufyalwa muli Cena. Muba bamembala wa Ciko ku Kufyalwa cipy'a, elyo membala wamu Lupwa, indume nangu inkashi muli Cena.

<sup>204</sup> Nomba lekeni ine mubelengeleye ukufuma mu *The Emphatic Diaglott* umu, icintu cimo, mu Ukusokolola 17:3, kibili na Ubusokololo bwa *The Emphatic Diaglott* umu. Kibili monenifye ici, ifintu cilebelengwa, kibili ifyo—ifyo bwinobwino cena capashanya nacilya. Ukusokolola 16, 17. Cisuma. Nomba natubelenge apaminififye umo. Umfweni kuli ici, sanasana, Ukusokolola 17:3.

*Elyo umo uwa muli ABO CINELUBALI Bamalaika nabakwata... Inweno CINELUBALI aishile no kusosa kuli ine...*

<sup>205</sup> Nde mubelengela, ukufuma muli *The Lexicon*. "Uukwete..."

... "Isa, Nala kulanga UKUSEKWA kwa ULYA CILENDE MUKALAMBA, u waikala pa Menshi Ayengi;

<sup>206</sup> Kibili ifwe bonse twalishiba uyo ni Vaticani. Kuno ifwe natukwata *Our Sunday Visitor* mukati umu, ukufuma ku chalichi ca Katolika, ukutweba bwinobwinofye fintu lwena luli. Mwamona?

<sup>207</sup> Kibili ubu ubwasuko kuli cena, atile, “Lelo lolela miniti umo.” Atile, “Kwabako yonse imisango ya mashina,” atile, “kuti yapanga imyanda amakumi mutanda ne kumi limo na-mutanda.”

Natile, “Lelo pali minitifye umo.”

Atile, “Ishina lyobe limbi kuti lyapanga imyanda ikumi . . .”

<sup>208</sup> “Lelo,” Natile, “Nshikala pamulu wa mpili cine lubali, ukutungulule sonde, nakuba, mwamona.” Uh-huh! Mwamona? Ico cacine. Mwamona?

<sup>209</sup> [Munyina Branham abelenga Ukusokolola 17:1 ukufuma mu *The Emphatic Diaglott*—Kale.]

. . . *kulanga UKUSEKWA kwa ULYA CILENDE MUKALAMBA, uwaikele pa Menshi Ayengi;*

<sup>210</sup> *Amenshi*, Ukusokolola 17:15, e “bwingi namabumba yabantu.” Mwamona?

uo isha MFUMU shape SONDE shacitile nankwe u bulalelale, na BAIKALA pe SONDE balengwa uku kolwa u MWANGASHI wabu . . . BULALELALE bwakwe.

<sup>211</sup> Nomba nicinshi?

*Kibili ansendele ndi, mu Mupashi, mu Matololo; . . .*

<sup>212</sup> *The Emphatic Diaglott* nomba. Mwamona?

. . . *kibili Na mwene u Mwanakashi ekele pa Ciswango ce langi ilyakashika ce, icaisulamo Amashina ya Miponto, . . .*

<sup>213</sup> Nomba, muli King James, ciletila, “ukwisula kumashina yamiponto.” Pa kashitafye, na Ine nalapasanga umu, miniti umofye. Ukusokolola, 3. Cisuma, ici apa. Cisuma. Ukusokolola, Ndepilibula 17, te 7; 17, nomba umfweni pali veRsi 3.

*Kibili ansendele mu mupashi mu matololo: Elyo Namwene umwanakashi ekele pa ciswango icakashika ce, icaisulako amashina ya kuponta, . . .*

<sup>214</sup> Ifyo efintu i Cingeleshi caci-pela. Lelo icakubalilapo ici Greeki ukufuma mu *The Diaglott* cibelingwa nge fi, mu Ukusokolola 17:3. Umfweni.

*Eyo ena ansendele, ndi mu Mupashi, ku Matololo; na Ine namwene u Mwanakashi ekele pa ciswango ce langi lyakashika ce Iciswango—Iciswango, icaisulako Amashina ya Miponto, . . .*

<sup>215</sup> Ico nacipusana sana, pa “mashina ya kuponta” naku “mashina ya miponto.” Cinshi ico? Kabili ifwe... Nomba, ena ali:

...NYINA WA BA CILENDE...

<sup>216</sup> Ifwe bonse twalishiba ico. Lelo bushe cena cinshi? [Umuntu umo atila, “I chalichi ca Katolika waci Roma.”—Kale.] Imwe tamufwile ukuba... Ukuba, ico nacilungama, ico kuti caba chalichi ca Katolika waci Roma. Lelo cena ca “isulamo amashina ya miponto,” Methodisti, Baptisti, Presbiteriani, Lutherani, bonse ukulaita, “amachalichi yakwa Lesa.” Amashina ya miponto! Pali ubupusano ubukalamba pa “mashina ya kuponta” napa “amashina ya miponto.” Ukuita abene, “i Chalichi cakwa Lesa,” nokula ilanga abene kwisonde; na malila yanjuka, nokunwa, nokutwalilila, nemilalilo yba supu, ne fintu fyonsifyashala, kabili ifintu fyamusango onse ukulakumako.

<sup>217</sup> Kwabafye i Chalichi cimo. Imwe mufyalwa muli Cena. Imwe tamwingila Mulya mpaka mwasambwa mu Mulopa wa Mwanawampaanga nokukakatikwa na Mupashi wa Mushilo.

<sup>218</sup> We bupusano pakati ka “amashina ya kuponta” na “mashina ya miponto.” Mwacumfwa? [Ulukuta lwatila, “Ameni.”—Kale.]

<sup>219</sup> Nacimona ico ulucelo lintu Nacila belenga apa, i... Ukwisa pansi, Icintu cimo cacinjebafye ukuti, “Kabiye mu muputule obe. Bula *The Diaglott.*”

<sup>220</sup> Ukuba, cena kunakilafye. Epela. Naingile mukati. Kabili Namwene pa Kusokolola 17. Natontonkenye, “Cinshi cintu Mulefwaila ine ukubelenga ici?” Natampile ukubelenga. [Munyina Branham alisha umunwe—Kale.] Ilyo linefye Naloleshe, “Ico eco.” Nabulile pensulo nokucilemba. Natile, “Ico eco.”

<sup>221</sup> Nomba, bena ukulapanga icongo palwa ine ukulasusha utubungwe. Ni ayo mashina yamiponto, abaita, “amachalichi yaakwa Lesa, kabili amachalichi yakwa Kristu, namachalichi yaba Methodisti, namachalichi.” Shena ni ng’anda shakutushishamo, temachalichi.

<sup>222</sup> Cimo i Chalichi, ico e Chalichi caakwa Shikulu Yesu Kristu. Kabili bushe Cena cinshi? U Mibili wa nkama uwakwa Yesu Kristu mukubomba pesonde, uwapangwa kuli membala uwa muli cimo ica ishi nkuta, uukaba membala wa Mibili wakwa Kristu. Mufwile ukufyalwa muli Cena, tekulunda muli Cena.

<sup>223</sup> Kabili ukuilunda muli cena, emashina yamiponto, uyu mwanakashi. Uyu umwanakashi, amaka yakwe!

<sup>224</sup> Kabili mwamona ililine uko bena bali nokutwalaabantu bonse abakwata kampingu uwaibela palwa bukapepa, nokubatwala ku Alaska. Imwe mwalmiona ico. Konse ukucetekela kwesu ukwaibela.

<sup>225</sup> Kibili bushe cena cinshi? Akabungwe, Akabungwe kama Chalichi ye Sonde na ba Katolika nabawkwata icabo icikalamba icakucita icilecitika mu Vaticani ililine, kulya, uko bena baleesha. Nabonse aba bacilolo, nafimbipo, bena baleesha ukufika pakusuminishanya, ukulwisha komyunisimu. Isonde ukulwisha komyunisimu, kibili ukuilundafye pamo nabu Katolika.

<sup>226</sup> Cena cilifye ngafintu cili ileelo. Ifwe pano, ngafintu Nasosele. Ifwe tuleya... Ifwe tuli mupepi nokuba ababula icuma. Tulekongola, tuleposa indalamu nomba, kumisonko iyo iikalipilwa imyaka ikumi na ine ukutula ileelo. Uko eko tufikile. Bushe ninani uukwete indalamu shesonde? Lukuta lwa Katolika. Ni mumusango nshi shinga kongweshiwa ku United States? Kukusunga aya ama kampani ya fwaka nobwalwa ne intu. Cinecine, bena bakakongola ukufuma kuli bena. Ilyo bakacita, bena bashitisha insambu shabubeli, apopene, kuchalichi ca Katolika waci Roma. Ifwe twampane. Loleni kuli ici, cilifye apabuta, apabuta ukucila ukubelenga ipepala lye lyashi. Ici eco. Mwamona?

<sup>227</sup> Bena niba Methodisti, ba Baptisti, ba Presbiteriani, nabambipo, ukuita, “i Chalichi caakwa Lesa.” Katolika na fyons ifya musango uyo maka ya ici ciswango icaisulamo amashina yamponto. Mwebeni ukulaiita, “Ine ndi...” Ine natile...

<sup>228</sup> Ine naile kucipatala kuno, tapapitile inshita, naile mukupepela umuntu. Natile, “Ifwe twala...” Cali nibamayo. Natile, “Twala pepelako bamayo.”

Na namayo atile, “Bwesha ikatani ilyo.”

Natile, “Bushe tamuli bena Kristu?”

Atile, “Ifwe tuli ba Methodisti.”

<sup>229</sup> Natile, “Namutotela. Nacitontonkanya ukuti nalimo muli uwacetekela.” Nabweseshefye ikatani ukunshinguluka. Mwamona? Eico, ngacakuti iwe tauli mwina Kristu, ico caibela. Mwamona?

<sup>230</sup> Lelo, “Ifwe tuli ba Methodisti,” uko kuponta. Iciswango, amachalichi, ayetwa amachalichi, yena temachalichi. Lekeni ine nshininkishe ukuti ico ca ambulwa. Ee. Yena temachalichi. Shena ni ng’anda shakutushishamo. Abantu balailunda kuli shena.

<sup>231</sup> Lelo imwe tekuti mulilunde ku Chalichi cakwa Lesa wamweo. Imwe mufyalwa muli Cena, ukupitila mulubatisho lwa Mupashi wa Mushilo. Kabili ilintu mwabatishiwa na Mupashi wa Mushilo, aya amaka yakakatikwa muli imwe, ukupitila muli Mupashi wa Mushilo, kabil eico, “Uyo uwafyalwa kuli Lesa tacita lubembu.” “Teti acite.” Eifyo fine. Oh, owe!

Ifwe kuti twalandafye akasuba ukuwa, bushe teti tucite?

<sup>232</sup> I Chalichi Mubili wankama uwakwa Kristu, uwafyalwa ku Mupu wakwa Lesa. Ooh! Bushe mwacicumfwa? [Ulukuta lwatila, “Ameni.”—Kale.] I Chalichi cakwa Lesa cafyalwa ku Mupu wakwa Lesa. Lesa aputile u Mupu mumyona, kumupashi, uwakwa Adamu, na ena aishileba icibumbwa camweo. Bushe mwalishiba ba pentecosti, nangu icine cine i Chalichi ca pentecosti, lufyalwa ku Mupu wakwa Lesa?

<sup>233</sup> Lekeni mbelenge icintu cimo, muli minitifye pali ico. Lekeni mone, muli minitifye. Uwashila Yohane, Ndecetekela, apo Nalafika. Twalasanga ngacakuti i Chalichi cakwa Lesa cili, nangu tacili. Uwashila Yohane, natumone, Ndecetekela ico nalimo ni 16, 19; 20. Cisuma. Apa Ndecetekela tulepasanga, apapene. Cisuma. Lekeni mubelengele, no kumona ngacakuti i Chalichi cifyalwa ku Mupu wakwa Lesa, nangu iyo, nga fintu Adamu ali pakutendeka. Lolesheni.

*Eico ku cungulo bulya bushiku, ubwa ntanshi bwa mulungu, kibili nakwisalwa ku mwinshi kibili umwali abasambi pamulandu wakutina aba Yuda, Yesu aliihile no kwiminina pakati kabo, no kutila muli bena, Umutende ube na imwe.*

*Kibili pa kusose ci, aba langile...indupi shakwe na mu lubafu. Uko...Eico abasambi pa kumona Shikulu, balisekelele. Kibili Yesu...*

*Elyo Yesu atile kuli bena kibili, Umutende ube na imwe: ifyo Taata atumine ine,...efyo na Ine ndetuma imwe.*

<sup>234</sup> Moneni. Taata Uwa Mutumine aingile muli Ena. Kibili Yesu, ilintu Atuma u musambi, Ena alengila muli ena. Umo Wine uutuminwe; Lesa.

*Kibili ilyo asosele ici, aputile umupu pali bene, no kutila...Pokeleleni u Mupashi wa Mushilo:*

<sup>235</sup> Chalichi, ukufyalwa ku Mupu wakwa Lesa! Ilintu ici ciimo caibumba icine ukufika pa mulu palya, mucifulo, u Mupu wakwa Lesa uputila pali bena, “Pokeleleni u Mupashi wa Mushilo,” elyo iwe waba umwanamwaume wakwa Lesa. Imwe kuti mwailunda kucintu conse mulefwaya, lelo imwe mwafyalwa mu Chalichi cakwa Lesa wa mweo, ukufyalwa ku Mupu wakwa Lesa. Lesa aputile pali bena nokutila, “Pokeleleni,” whew, “u Mupashi wa Mushilo.” Oh, owe! Ifyo efyo

<sup>236</sup> Tekuti, “Iseni nokuilunda, lembeni ishina lyenu umo.” Elyo nemilalilo yennu iyabasupu nafyonse ifyendela pamo nafyo, imwe muilunda ku ng’anda ya kutushishamo. Kuti mwailunda ku ng’anda ya kutushishamo iyaba Methodisti, ing’anda ya kutushishamo iyaba Baptisti, ing’anda ya kutushishamo iyaba Presibiteriani, ing’anda yaku tushishamo iyaba Katolika, nangu ing’anda ya kutushishamo iya ba Pentecosti, icili conse cintu

imwe mulefwaya ukuilundako, lelo imwe muleilunda ku ng'anda yakutushishamo.

<sup>237</sup> Lelo ilyo imwe mwaba umwana wakwa Lesa, imwe mufyalwa ku Mupu wakwa Lesa. Ameni. Cawama ukucisha, apopene nomba. Cisuma.

<sup>238</sup> Umweo wakwa Lesa nao nomba waba muli iwe, efyo Yesu atile. Minitifye. Yesu atile, “Nine Mwangashi. Imwe muli musambo.”

<sup>239</sup> Nomba lolesheni. Kuilishanyanshi bakwete pali Yesu? Ukuilishanya kwabo pali Yesu, pantu Ena aali u Muntu uku Ilenga ukuba Lesa. Ena aali Lesa. Lesa aali muli Kristu. Mwamona? Kabili Alibebele. Atile, “Kabili mwilosha pali Ine. Te Ine. Ni Taata Wandi, kabili Ena aikala muli Ine.” Oh! Mwamona?

<sup>240</sup> Nomba, bena balelolesha pali ulya mubili unono uwafyelwe kuli Maria. Mwamona? Ulya tali Lesa. Ulya ali u Mwanamwaume wakwa Lesa, lelo Lesa ali muli ulya Mubili. Cali ni Lesa. Atile, “Ngacakuti Ine shilebomba imilimo yakwa Taata Wandi, nomba mu Nseke. Lelo nani umo pali imwe uunga Nseka kulubembu, ukukana cetekela kwa Cebo? Cebo Nshi cintu Lesa asosa icishafikilishiwa muli Ine?” Ulubembu kukanacetekela. “Nani pali imwe enga Nshinina palubembu?” Ulubembu kukanacetekela. “Nangeni Ine. Ngacakuti Ine nshicita imilimo yakwa Taata Wandi, nomba mwi Ncetekela. Lelo ngacakuti Ndebomba imilimo ya Wandi... Nangula tekuti imwe mu Ncetekela, cetekeleni imilimo intu Ndebomba, pantu yena ipela ubunte.” Ngateifyo, “Taata Uuli muli Ine, ukupela ubunte Umwine.” Pantu, “Lesa ali muli Kristu, ukuwikisha isonde ku Mwine.” Imwe mwacumfwa? [Ulukuta lwatila, “Ameni.”—Kale.]

<sup>241</sup> Cisuma, nomba, Umweo umowine uuli mu Mwangashi uli na mumusambo. Ni mumusango nshi imwe mwinga ilunda muli Uyo? Teti cicitwe.

<sup>242</sup> Ine na mwene icimuti tapapitile inshita sana, mulubansa lwakwa Munyina Sharrit mu Arizona, cakwete ifisabo pabula ifyapusapanusana ifya sitirasi kuli cena. Bushe cali cinshi? Cena cali ci—cena cali cimuti camacungwa, umutoto we cungwa. Lelo cakwete i—cena cakwete i—i indimu, i tanjelini, i tanjelo, necisabo camwangashi. Cena cakwete umusango onse. Naiminine, ukulolesha kuli cilya cimuti. Kabili Natile, “Munyina Sharrit, bushe iwe ulepilibula ukunjeba ukuti cilya cimuti cimuti camacungwa?”

Atile, “Cinecine.”

<sup>243</sup> Kabili Ntile, “Cisuma, munshilanshi? Kuti caba shani?” Natile, “Ndemona icisabo camwangashi apa, na itanjelini apa, itanjelo apa, nendimu apa, nafyonse ifi fimbis ifisabo. Fyena fisa shani?”

Atile, "Ukuba, wamona, fyena fyalisomekwamo."

<sup>244</sup> "Oh!" Natile, "Ukuba, Ndefwaya ukukwipushako icintu cimo. Nomba, iwe wasabako ici cisabo camwangashi nendimu. Nomba, umwaka uleisa, cena cikacita shani? Cena cikatwasha nomba icungwa ukufuma muli ico."

"Oh, iyo." Atile, "Cena cikatuuta ne ndimu kuli cena. Mwamona?"

"Oh," Ine natile, "na mutotela." Mwamona?

Imwe tekuti mu cite ico. Imwe tekuti muilundemo.

<sup>245</sup> "Lelo," ena atile, "inshita yonse intu cilya cimuti cilekulilako umwaka umo nokutwala umusambo uupya, wena wisa namacungwa, ngacakuti umwangashi uwine wa menya umusambo."

<sup>246</sup> Kibili ico ifwe twaesha ukucita kuba bamembala abailunda muli Ena, kibili ifwe twikalila pesamba lyeshina lya bwina Kristu. Pantu, ifwe twaba, ngafintu caba munsoselo shaseka ukutila ifwe tuli cisabo ca sitirasi, i Chalichi cabwina Kristu.

<sup>247</sup> Lelo ilyo Umwangashi Uwine wamenya umwangashi, ena ukaba nga Umwangashi uwakubalilapo Wena wameseshe. Ngacakuti Umwangashi wakubalilapo Ena watwele, bena balembele i Buuku lya Milimo panuma ya Uko; ngacakuti Uka tala twala na umbi, Wena uka lemba ibuuku lya milimo panuma ya Uko. Calungama.

<sup>248</sup> Eico, imwe muleilundafye ku ng'anda shakutushishamo. Lelo ilintu imwe mwafyalwa ukufuma mu Mwangashi... Imwe namukwata i cisabo. Ico cacine. Imwe namukwata icisabo, lelo cinshi cintu mucita naco? "Imwe mwakwata imimonekele yabukapepa, nokukana amaka yabuko." Imwe mukana ifishibilo. Imwe mukana ifisungusho. Imwe mukana Mupashi wa Mushilo. Imwe mukana ukulandila mundimi. Imwe mukana ifimonwa. Imwe mukana ubusesemo. Imwe mukana ubundapishi. Lelo, kibili, "Ukuita mwebene ishina." Emulandu wine Mupashi wa Mushilo asosele, "Amaka, yamabumba yabantu, abaisulamo amashina yamiponto, cinecine, ukulaiita, 'abena Kristu.'" "Nemimonekele yabukapepa, lelo ukukana amaka yabuko. Kuli abotalukeniko, pantu abo eba batwala mulibunkole abanakashi abawelewele abafininwa kufya lunkumbwa ifingi."

<sup>249</sup> Imisango yonse yatubungwe! Ulukuta nalusenda ifingi nganshi, pamo no *yu* musango webungwe, na *ulya* musango webungwe. Nga palwa ibungwe lyakwa Yesu Kristu? Mwamona? Ifwe twakwata fyonse ifi fintu ifyashala, nokutitikisha ulukuta kufisendo. Nomba ifyo efyo.

Imwe tamwa katale amuilunda ku Chalichi.

<sup>250</sup> Imwe muilunda ku ng'anda ya kutushishamo. Imwe muli bamembala ba ng'anda yakutushishamo, iye bumba lya

bantu, kwatifye fintu ing'anda yakutushishamo yaba. "Ifwe twacetekela muli *ici*. Ifwe twalikwata amafunde yesu. Ifwe twalikwata inkama yesu, nafimbipo." Imwe mucita munshila imoine, nicofye imwe mwailunda kuli ico icitwa chalichi.

<sup>251</sup> Lelo imwe tekuti mulilunde ku Chalichi. Imwe mwailundile ku ng'anda yakutushishamo iya bamembala, lelo te Chalichi, pantu imwe mufyalwa muli iyo Chalichi kabilii Umwangashi Uwine.

<sup>252</sup> Nomba loleleni miniti. Moneni. Ine nalaisala, panuma yakashita kanono. Moneni. Njeleleniko. Nshi—Nshi shipilibwile ukusosa ico. Moneni. Lolesheni.

<sup>253</sup> Ngacakuti Lesa akuulile uyu Nabwinga pamo naulya Mupashi, lyena Ena ukuula cilamuntu pamo na ulya Mupashi, mwamona, ninshi imwe mwafyalwa muli bulya Bufumu. Kabilii wena uyo wine Mweo uwali muli *ulu* Lukuta, uli muli *ico* Chalichi, na *Lulya*, *Lulya*, *Lulya*, *Lulya*. Kabilii na ulya wine Mweo uwali mucipapa, u Mwangashi, Yesu, uli muli membala untu Ena atwasha. Ubukata! "Ku fintu fimo fine fintu Ine ncita, imilimo intu Ine ncita, mukacita naimwe." Uyo e membala mwine mwine uwa mu Mubili wakwa Kristu, takuli ishina lya musango umo ilikambatikwe kuli Lwena. Imilimo ine fye iya uyo muntu ishininkisha uko ena afuma. Umweo wakwe upela ubunte ico ena aba.

<sup>254</sup> "Bushe iwe uli membala nshi? Mubili nshi untu wabako?" U Mubili wakwa Kristu. "Ukuba, nikwi uko imwe mwailundike kuli Cena?" Nshacitile. Nafyelwe muli Cena. Mwamona? Nafyelwe muli Cena.

<sup>255</sup> Imwe tamufwile ukubeba. Bena balishiba icacitike. "Imwe, kuti mwaasha shani inyali noku kupikapo imbeketi pali yena?" Ena atile. Mwamona? Iyo, iyo.

<sup>256</sup> Ilintu imwe mwafyalwa muli bulya Bufumu bwakwa Lesa, lyena u Mweo, u Mweo wine uwali muli Yesu. Nomba imwe muli abasakamana kumyeo. Nomba tamufwile ukulapapata abantu, isa kucintamba. Tamufwile ukulapapata kumuntu umo, isa ubebebete pamo nabo abali pacintamba. Ee. I—i—i—i fintu ficitikafye ifine, pantu Fyena fyakakatikwa muli imwe. Muli icipi cimo icakwa Lesa. Imwe mwalikakatikwa na Mupashi wa Mushilo.

Nomba bushe namwishiba cinshi "u Mupashi wa Mushilo" cipilibula?

<sup>257</sup> Tacilepilibula, "Natolweke nokupunda. Nali nemyunfwile iyaibela." Ifyo fili bwino. Nalitoloka nokupunda, kabilii nakwete imyumfwile iyaibela. "Nalandile mundimi." Nalicetekela u Mupashi wa Mushilo ulandila mundimi. Cinecine. "Ine naliilula" Ee, mukwai. Nalicetekela ico, naco. Lelo ico te Co. Ico tecu Ndelandapo. Kuti kwaba ukuswa apa apantu pamo. Kuti kwaba ukuswa *apa*, mu kushipikisha kobe.

<sup>258</sup> Lekeni umuntu umo amume kulubali lumo, pamenso, bushe mulapilibula nolubali lumbi? Lelo imwe mwatila, “Ulya bumbimunda wafiko!” Ninshi kuli ukuswa, ukuntu kumo, ukwaima. Ifwe cawama tushe ico. Cisuma. Lelo imwe namwisha ifyo Ndepilibula.

<sup>259</sup> Lelo ilintu imwe mwakakatikwa mu Mubili wakwa Kristu, ninshi imwe mwaisushiwa no Mupashi, kibili mwaba umwanamwaume wakwa Lesa.

<sup>260</sup> Oh, Ndekabila nga Nakwetefye nalimo baminiti ikumi, ukubelenga icintu cimo apa. [Ulukuta lwatila, “Twalilila. Cibelenge, munyina.”—Kale.] Lelo bushe imwe mwalashipikisha na inenabambi baminiti ikumi? [“Ee.”] Ndefwaya ukubelenga icintu cimo, panonofye. Nomba, mucishinka, cilemba talungule. Nalamulaya, mwamona, ngacakuti twalabelengafye ici muli baminiti abanonofye. Cena naciwamisha tekuti tucilekeko. Nkwetefye ifintu fibili apa, fyaisafye mumatontonkanyo yandi, ifyo Ningatemwa ukusosa.

<sup>261</sup> Natupilibule kuli Yohane wa Shila, icipandwa calenga 3, ukulanda palwa Mweo wa Muyayaya. Natusangefye ifyo Cena casosa apa palwa ububwafya bwa Mweo wa Muyayaya, u Mweo wakwa Lesa. Nomba, nomba moneni apa.

*Kwali umuntu wa muba Farise, ishina lyakwe  
Nikodemu, umukalamba waba Yuda:*

*Ena eico aile kuli Yesu ubushiku, nokutila kuli ena,  
Rabi, twaishibo kuti nimwe kasambilisha uwafuma kuli  
Lesa:... takuli muntu uungacite fisungusho ifi... kano  
Lesa aba nankwe.*

<sup>262</sup> Nomba, bena, filya ifilye fya Sanihedrini, balishibe ukuti Ena aali u Mwanamwaume wakwa Lesa. Bali cishibe. Apa epali umukalamba wabo apapene, ale Mweba, “Twalishibo kuti ni Mwe Kasambilisha uwafuma kuli Lesa, pantu Umweo wine uwakwa Lesa ulepita muli Imwe.” Mwamona? “Ifwe twalishiba ukuti Ukufundisha kwenu te Kwenu mwe Bene. Cena cakuli Lesa, pantu Lesa ale Ci shininkisha.” Mwamona? “U Mweo wakwa Lesa ulepitafye muli Imwe.” Nomba moneni.

*Yesu alyaswike nokutila kuli bena, Icinecine,...  
Ndekweba iwe, Kano umuntu afyalwa cipyacipy, ena  
tekuti amone ubufumu bwakwa Lesa.*

<sup>263</sup> Oh, owe! “Kano imwe mwailunda ku chalichi candi”? Oh! Mwamona fintu bena ba Ci fumyako? Mwamona? Mwamona?

*Yesu, elyo Yesu alyaswike, Cine, cine, Ndekweba iwe,  
Ngo muntu tafyelwe ku menshi na...ku Mupashi, tekuti  
engile mu bufumu bwakwa Lesa.*

*Icafyalwa ku...mubili mubili; ne cafyalwa ku...  
Mupashi mupashi.*

*Wipapa ico Ntile kuli iwe, Ufwile ukufyalwa cipyacipyaya.*

*Umwela ukukila uko utemenwe, . . . Mwamona, ukubwelelapo nakabili, mwamona, ukubwelela, mwamona.*

*Umwela ukukila uko utemenwe, . . . iwe tekuti umfwe icilulumo . . . kuti waumfwa icilulumo ca uko, lelo teti wishibe uko ulefuma, nangu uko uleya: efyo fine onse . . . uwafyalwa ku Mupashi.*

*Nicodemu alyaswike atile kuli wena, Fingaba shani ifi fintu?*

*Yesu alyaswike nokutila kuli wena, Bushe niwe kasambilisha wa bena Israele, ne fintu ifi tawafishiba?*

<sup>264</sup> Mona apa, muyina, uyo—uyo D.D., Ph.D., bibili ba-L.D., mwamona, “Kabili ukwabula ukwishiba ifi fintu?”

*Icinecine, . . . Ndekweba, Ifwe tufunda ico ico twaishiba, nokupela ubunte ico cintu ifwe twamona; na imwe ta mupokelela ubunte bwesu.*

<sup>265</sup> “Ifwe twalishiba ifi fintu. Twalifimona. Ifwe twali Cishiba, kabili imwe tamupokelela nelyo bunte bwesu.” Kailunda ku-chalichi! Mwamona?

*Nga Ine mwebele ifya pano isonde, naimwe ta mucetekele, kuti mwacetekela shani, Ine ngana mweba . . . fya mu muulu?*

<sup>266</sup> Nomba umfweni pali ici apa. Moneni.

*Kabili takuli umuntu uwanina aya mu muulu, kano uwaikile mu muulu, Umwanamwaume wa muntu uuli mu muulu.*

<sup>267</sup> Cisangeni ico.

<sup>268</sup> Namwisha, inshita imo, Ena atile, “Bushe imwe mutontonkanya shani palwa kwa Kristu? Bushe Mwanamwaume wakwa Nani?”

Bena batile, “U Mwanamwaume wakwa Davidi.”

<sup>269</sup> Atile, “Kanshi cinshi Davidi, mu Mupashi, asosele kuli Ena, ‘Shikulu Atile kuli Shikulu, ‘Ikala Iwe kukuboko Kwandi ukwakukulyo’?’ Kuti Aba shani Shikulu Wakwe kabili u Mwana Wakwe?” Tapali umuntu uwa Mwipwishe nafimbipo.

<sup>270</sup> Mu Kusokolola, Atile, “Nine Mushila kabili u Bufyashi bwakwa Davidi.” Mwamona? “Ine nine Mwangashi kabili u Musambo. Ine nine ukutendeka. Ine nali ilyo ukutendeka takulabako. Ine nali ukutendeka, kabili—kabili Ine nali u Bufyashi Bwakwe, pamo.”

<sup>271</sup> Nomba, apa Ena atile, “Takuli umuntu uwaikila ku Muulu, kano u Mwanamwaume wa muntu uuli mu Muulu.”

<sup>272</sup> Umo namayo anjipwishe, inshita imo, ilipusho. Natile, “Njasuka ili limo.”

Natile, “Bushe ni nani untu Yesu alepepako, mwibala ly a Getisemani?”

<sup>273</sup> Natile, “Bushe ninani untu Alelandapo ilintu Atile, ‘Takuli umuntu uwanina ku Muulu, kano Uyo uwaika ukufuma ku Muulu, Umwanamwaume wa muntu uuli mu . . . uuli ili line mu Muulu?’ Nani?”

<sup>274</sup> Uyu Ali apa, naiminina kuno pa mulu wa ng’anda, alesosa kuli Nicodemu, nokutila, “Ine ndi mu Muulu.” Cacine ico? Natushe ico mpaka muno bushiku. Bushe imwe muleti shani? [Ulukuta lwatila, “Ameni.”—Kale.] Inshita yaya mukupwa. Oh, owe! Ukumuleka ukutontonkanya pali ico inshita inono, muno cungulo kasuba.

<sup>275</sup> Bushe imwe mwaingila shani mu Chalichi? [Ulukuta lwatila, “Ukufyalwa.”—Kale.] Ukufyalwa. Kunshi? U Mupu wakwa Lesa.

Putileni pali ine, putileni pali ine;  
Mupashi wakwa Lesa wamweo, putileni pali  
ine.

<sup>276</sup> Ilyo epepo lyandi: ukulekafye u Mupashi wa Mushilo ukupuuta. Oh, owe! Pantu, Mupu wakwa Lesa, Ico cinshi? Ukukakatikwa mu Bufumu bwakwa Lesa, ukwishiba ukuti, ilyo pakubala Ine nasosele, Ine nali cetekela Yesu Kristu. Ee.

Nomba, ku Cicetekelo candi, Nalundako amaka, amaka yabulesa.

Elyo ku maka yandi, Nalundako ukwishiba kwa Cebo.

<sup>277</sup> Ku kwishiba kwandi, Nundepo ukuiteka, uku-ilungamika. Natemwa ico. “Icalo candi cenu, bikeni ingala mu mweo wandi noku-ilungamika, ukufuma muli bemb a ukufika muli bemb a wabeka.” Mwamona?

<sup>278</sup> Ukushipikisha. Oh, owe! Ukweshiwa. Mwisakamana; Satana ali nokumipendela. Ndenina umutanto nomba. Mwamona? Ine ninundako amaka, ukwishiba, ukuiteka, nomba Mfwile ukulundako ukushipikisha. Nalyoline nshilati nkuate u Mupashi wa Mushilo.

<sup>279</sup> Elyo panuma Nalundako ukushipikisha, Nalundako bukapepa. Bushe namwishiha ico nicinshi? Nga Lesa. Nalundako ico. Nshi ilekelesha. Ukwenda nga fintu umwaume umwina Kristu afwile ukuba. Mwileka ico ukuba ica kufwalako. Cintu cimo muli ine, icitemwiko cakwa Lesa, cilebilaukafye. Mwamona? Mwamona? Tekusosa ukutila, “Uh-uh-uh-uh, mune, Ine kuti nacicita, lelo limbi cawama Ine nicita.” Mwamona? Hu-uh. Huh-uh. Cena epo cili, nakuba.

<sup>280</sup> Cena ku Fyalwa. Ine nali fyalwa muli *ici*, muli *ici*, mulu *ici*, muli *ici*, muli *ici*, muli *ici*. Kabili nomba icitemwiko cakwa Lesa, Kristu, aika nokukakatika fyonse ifyo muliine, kumulimo. Mwamona?

<sup>281</sup> Nomba nifinshi Ena acita ilyo Ampela u Mupashi wa Mushilo? Alakubika pamo pancende palobe, akulemba. Mwamona? Uli umuntu uwaibela nomba. Tauli wamwisonde, nakabili. Mwamona? Ufwala ifyapusanako. Ufwala ifyaibela. Tekufwala kwakunse. Iyo, iyo. Taufwile waba uwaibela nangu uwapusanako, nenteneshi isha alulwa, nokushimikila ukwalepa, ngefyo. Iyo, iyo. Tamucitefyo. Ufwala, mu mubili, ngefi. Kufwala kwa ku mupashi ecikalamba. Naufwikwa umwingila wabwinga. Bushe iwe uli cinshi?

<sup>282</sup> Nga Yesu, moneni, Ena alifimbilwe, kabili Ena alylwilwe palya pacinso cabo, nefyakufwala Fyakwe fyalebekwa nga kasuba. Aali Palya, Yesu, Lesa ukubika Umwanamwaume U Wakwe. Mwamona? Kabili Mose aim aisa. Elyo Eliya aim aisa. Na Petro atile, “Namwishiba, cintu i—cintu icisuma ukuba kuno.” Mwamona ifyo umuntu aba? Ee. Oh, icapulamo nacicitwa! Atile, “Natukule insakwe shitatu. Natukulile imo Mose, na imo Eliya, na imo i Yenu.”

<sup>283</sup> Kabili ilintu ena talapwa ukulanda, Lesa aimikefyne fintu fyonse, atile, “Uyu e Mwanamwaume Wandi uwatemwikwa. Muli ifi fintu fyonse ifyo Nalefwaya kuli Mose, nokufumya ifunde kuli Mose; ubupingushi kuli bakasesema; Ena alifikilisha fyonse. Kutikeni kuli Ena. Ine nomba nalafuma mucikope. Kutikenifye Ena. Kutikenifye kuli Ena.” Oh, mwe! We cintu ubusuma!

<sup>284</sup> Nomba, ilintu ifwe twafikilisha ifi ififwaikwa, nokuba abaisulamo amaka yakwa Lesa nefintu fyakwa Lesa, nomba Mupashi wa Mushilo aleka nokutukakatika mu Bufumu. Mwisakamana. Abantu bonse bakeshiba ukuti iwe wali Ukwata. Iwe tawakafwaikwe ukusosa, “Ukuba, ubukata kuli Lesa, Nalishiba ukuti Nali Ukwata. Nalandile mu ndimi. Ubukata kuli Lesa, Ninjishiba ukuti Nali Ukwata. Ine nalishanine mu Mupashi umuku umo.” Tamwakafwaikwe ukulandapo ishiwi pali ico. Bonse bakeshiba kuktila iwe wali Ukwata. Wisakamana. Ee. Ukaibela ubunte Uwine. Wena akalenga cena ukwahibikwa pakati ka bantu.

<sup>285</sup> Lesa amupale. Cansansa nganshi ukuba kuno pamo naimwe muno lucelo, ukukwata iyi nshita yesenge. Umfweni, ichalichi cesu cinono, elyo kabili tatwakwata incende iikalamba iya bantu abesa kuno. Ifwe tatuli kabungwe. Ifwe twacetekela kabili twaba nesenge na cila kabungwe. Imwe mwisafye kuno pantu mulefwaya ukwisa. Kabili imwe, ifwe twalimutemwa. Kabili tulefwaya cilakabungwe, cilamuntu . . .

<sup>286</sup> Nalicetekela ukuti mwaliba abantu muli tonse uto utubungwe abali abena Kristu. Bena nibamunyina nabankashi muli Kristu.

<sup>287</sup> Eico, kanshi, ifwe tatwakwata ifyakukobenkanya, tatwakwata ifya ku ilundako, tapali nangu cimo icakucita kanofye ukuba umwina Kristu. Ngafintu E. Howard Cadle alesosa, “Ifwe tatwakwata ifunde kano icitemwiko, takuli ibuuku kano Baibebe, takuli isambilisho kano Kristu.” Ico cacine. Iseni nokututandalila. Kuti twaba abansansa. Ifwe twacetekela Umwisulo wa Mbilansuma, iciputulwa conse ica Cebo. Ifwe twacetekelafye filyafine inshila. Ifwe tatulundako nangu icintu cimo kuli Cena, ukufumyako icili conse kuli Cena, ukulundako icili conse ica kabungwe kuli Cena. Ifwe tu Ishafye fintu Cena caba. Ifyo efyo. Kibili ifwe lyonse twaba aba nsansa ukumupokelela. Imwe mukese nokuba naifwe ilyo mungacita. Tulapepela abalwele. Ifwe twacetekela ifintu fyonse Baibebe yasosa ukucita. Ifwe tule “laba ubunake bwesu, kunuma, kabilis tulekonkelela kumwaala wa Bwite bwa mumuulu.”

<sup>288</sup> Nomba, icintu cimo nacimbi. Bushe mwala suminisha ukucisosa? Ubushiku bwatangilile ubwa mailo ulucelo... Imwe mulemona pa ci—cipamba cafishibisho kunse kulya, icimonwa. Ine nakwete icimonwa. Cali nalimo faifi kololko, ngefyo umukashi wandi kunuma kulya eshibe, nangu shikishi. Ine nalishibwike. Twa imine kukupekanya abana ukuya kusukulu.

<sup>289</sup> Ndakwatafye ifi, ilingi line. Kibili bonse imwe mwali shiba, onse muli imwe muno, ukutifyene tafifilwa. Fyena, fyae fyalibafye bwinobwino ifyalungama. Mwamona? Fyena tafifilwa.

<sup>290</sup> Kibili Natontonkenye ukuti Nali umuntu wansansa nganshi Natalile mona. Naiminine mukasuba, k-a-s-u-b-a, kibili nale—kibili naleshimikila i Mbila nsuma kwibumba, ulukuta ulukalamba nganshi.

<sup>291</sup> [Munyina Branham aiminina panono—Kale.] Nacilafwaya ukumona ngacakuti cile ambulwa patepu.

<sup>292</sup> I—ilikalamba, ulukuta ulukalamba nganshi, nabene bali nabekala mu mpaanga. Kibili imyengelele yakasuba yalesanika pali bena, *ukufye na kulya*, bale Cumfwa, ukumfwe Cebo.

<sup>293</sup> Kibili Ndaba, nga lyonse, lyonse ukukokola sana, ukucelwa, ukukokola ukushimikila. Elyo Nakokwele nganshi ukushimikila, mpaka ulukuta lwakwata insala yacakulya cakumubili. Kibili nabo, bambo muli bena, banakile. Eico bena baiminefye, bafumina panse kukufwaya icakulya, batampile ukufumina panse.

Ine natile, “Mwi esha. Mwi esha.”

<sup>294</sup> Nakwete ukusondwelela kubili kuntu Nalefwaya ukufikilisha, Nalefwaya ukufikilisha, mumbila yandi. Kibili

ni Shikulu wampele yena. Kibili kashimikila uuli onse alishiba, ilyo icinecine iwe waishiba ukuti cena ni Lesa acipele kuli iwe, kuti cilepya fye muli iwe ukuti webe abantu.

<sup>295</sup> Kibili Naleshimikilafye, Charlie, namakafye nga fintu Mfwile ukushimikila, ukucitambilikafye, namwishiha, nokutila, “Ifintu fyonse ifiifikalamba, *ifi* fintu Lesa alecita. Lolesheni pali *ici*. Ena alashininkisha amatontokanyo yamumutima. Bushe Cena cinshi? I Cebo.” Nokutwalilila ngefyo. Kibili, oh, Ine ngakuti Naibukisha fintu Nalefwaya ukusosa ne lyashi lyandi fintu lyal. Nafilwa ukwibukisha pali cena. Mwamona? Lelo Natwalilifeye ukushimikila.

<sup>296</sup> Kibili Naleimona nemwine ukucita ico. Kibili ilyo Naiminine palya, ndelolesha, nokuimona nemwine ukushimikila Cena.

<sup>297</sup> Elyo Naleshimikilafye, kubashinga cipokelela. Kibili panuma ya kashita, Naimine, namwishiha, kibili Natontonkenye ukuti, “Ubukata kuli Lesa!” Natile, “Lolesheni kuli ifi fintu, kibili *nefi, na filya!*”

<sup>298</sup> Ukulungatana naine, Namwene abantu battampa ukuba kwati bali nensala yakumubili. Kibili eico balikwete icalinga icakumupashi, eico bena batampile ukwenda ukufumapo. Kibili bambo muli bena [Munyina Branham a aula umwau—Kale.] batampile ukwenda ukufumapo.

Natontonkenye ukuti, “Bushe cinshi cilubene nabantu bonse?”

<sup>299</sup> Elyo—elyo Naloleshe, kibili kubaupana abaice baleya, kulubali lwandi. Natontonkenye...Ine natile, “Minitifye, mwefibusa! Minitifye! Mwalabwela nakabili ilintu ifinshingwa fyacungulo fyawa.” Mwamona? Natile, “Mwalabwela nakabili. Lelo lekeni ine mupele ukukusondwelela kwapakubala. Nikwi kuntu ifi fintu fyonse fitula, fintu Ine mulangile? Nikwi kuntu fyena fifuma?” Natile, “Ifi efyo fili. Fyena fyaba mu Cebo cakwa Lesa. Fyena ni E FYA SOSA SHIKULU, ubulayo Bwakwe. Pantu,” Ine natile, “bonse mulembela ubunte, ubunte kulici, ukuti umulimo wandi ni, ‘Ikala ne Cebo.’” Ine natile, “Bushe cinshi cilubene na imwe bonse? Bushe tamuleumfwa i Cebo? Imwe mufwile uku Cumfwa.”

<sup>300</sup> Kibili bambo muli bena batile, “Wemwaume, Ine kuti natemwa ukulyapo tu bishiketi,” kibili ngefyo.

<sup>301</sup> Ukuba, Natontonkenefye ukutila, “Ukuba, ubukata kuli Lesa! Ngacakuti bena balefwaya tu bishiketi, balekeni baye shita.”

<sup>302</sup> Eico Ine—Ine napilibwike. Na tontonkenyefye ukutila, “Oh, nomba, bushe namwishiha ukuti? Kwalatampa ukufita, panuma ya kashita kanono, nomba line.” Ine natile, “Kanshi, muno bushiku, ilyo ulukuta lwalakolongana nakabili, Ine ndebika

ukusondwelela kuli bena, nokubeba ukuti ifintu ifyo bamona ine ukucita fisangwa mu Cebo cakwa Lesa, temwi buuku limo ilya milumbe nangu akabungwe kamo. Fyena fisangwa mu Cebo. Mwamona? Akapimfyia konse akaciko, nimu Cebo, pantu Ine nalashikilwe kuli Ico.”

<sup>303</sup> Ine natontonkenye ukuti, “Namwishiba, bena bala, cila umo, bala bwela lelo ubushiku, eico ifi efyo Nalacita. Ndeisapitulukamo, kwati kupitulukamo.” Imwe mwalishiba fintu Ine ncita pali ishi nkulo sha chalichi nafimbi, ukulanda fintu Nalandile intanshi. “Ine kuti nacipitulukamo, pa Cebo, elyo kabilu uku ukukalamba, ukusondwelela kwakupapa.” Ine natile, “We nshita ifyo cikaba! Amalumbo kuli Lesa!” Elyo Namwene inewine ukwamba ukucepa sana, kabilu naumfwile ico, “Amalumbo kuli Lesa.” Ine namwene inewine ukula shibantukila nga *filya*. Kibili Ine nali apa, ninjiminina palya.

<sup>304</sup> Nomba, ubu e bulondoloshi bwa ciko. Mwamona? Icintu cakubalilapo cintu Ine nacita, ifintu ifyacitwa, fyaba ifya nkama kubantu, abengi muli bena. Ine nshilepilibula ba Mbila nsuma Yapwililika nabashila bakwa Lesa, lelo, Ine ndepilibula, mabantu abengi. Kibili tekuti ukabile ukulolesha kwisonde, mulwelele, nga i Mbila yakwa Lesa. Ilyo imwe mwaya kabilu mwatila...

<sup>305</sup> Ngafintu Boze asosele, “Ine lyonse na...” Atile, “Ine nakwete iciloto, imyaka yapitapo, ukuti uyu—uyu Lesa akantuma ku Chicago nokutensa Chicago kubukata bwakwa Lesa.”

Ine natile, “Joseph, Ena alicicita kale.”

“Cinshi,” ena atile, “ben a tabatenshiwa ukutula pali Moody.”

<sup>306</sup> Ine natile, “Ico? Ine ndelanda pa Chalichi. Filya mito kulya. Filya lukungufye lwesonde, lilya ibumba lileititika mumisebo, ba Yesebeli bailenga nafyonse.” Ine natile, “Ico nikunse kulya. Filya ifikulu ifimayanda fyakutushishamo nefintu fikabongoloka nokuponena mumisebo mulya.” Ine natile, “Ena alelanda pa Chalichi. I Chalichi icamona ubusokololo bwakwa Yesu Kristu ukulangwa, nabo ba Cishiba. Limbi tekuti bafike nangu likumi limo nafisano ukufuma mu Chicago. Limbi tekuti bafike nekumi limo muli ino nkulo, ukufuma mumusumba onse uwa Chicago, ukufumamo.”

<sup>307</sup> Bushe mwalitala amutontonkanya pali ico? “Ngafintu cali munshiku shakwa Noa, efyo cikaba napa Kwisa kwa Mwanamwaume wamuntu, umo imyeo cine konse konse yapuswike.” Uh-huh. Nibanga bafumine mu Sodomu? Mwamona ifyo Ndepilibula? Ndettewishika nga kuti baisusha ulupi. Mwamona?

<sup>308</sup> Lelo i Chalichi Icine calipokelela u kutenshiwa. Bena balicimona. Balishibe Cebo. Bene bali mwene i Cebo lintu

Calemonekela mumubili, naboba Cumfwile. Nomba lolesheni pali ico pali miniti umo, nomba.

<sup>309</sup> Kibili iyi i Mbila yakubalilapo, ilyo bena bale I mona, umuntu onse aletungilila Yena, baleti, “Oh, ubukata kuli Lesa! Oh, ngacakuti Namwene *ici, cilya, ne cibiye*.” Kibili bena baya apopene, munshila imo ine baishilemo. Mwamona?

<sup>310</sup> Kibili nomba bena batontonkanya ukuti, “Ukuba, Nshishibe. Nikwi kuntu winga ilunda? Ngacakuti Nshishile kuli *ici*, cikaba munshila *iyi*. Kibili Nkamatamfiwa kunse, ukulubali, kabilis Nshakakwate icakucita *kuno*.” Ababwananyina baikala nokutila, “Ukuba, Nkacita shani Ine ngacakuti . . . ?” Mwamona apo? Bena tabekala ukulolelako ukwishiha ukuti Cena e Cebo cintu Lesa alaile, icilelangwa. Mwamona? Kibili bena baimine nokuya.

<sup>311</sup> Lelo, mwisakamana, ifishingwa fili mupepi, mwamona, ilyo Ndebwelela mwibala.

<sup>312</sup> Bushe imwe muleibukisha, kulya ubushiku, ubwa Mbila intu Apele kuli ine kunuma kulya lintu Nalebika ilibwe lyapacifutu? Ifyo fine fye. Atile, “Bomba umulimo . . . ” Atile, “Ilyo ulefuma muli ici cimonwa, ubelenge Uwacibili Timoti 4.” Na mwishiha, cabafye palya pene palibwe lyapacifutu, imyaka amakumi yataatu naitatu iyapitapo.

<sup>313</sup> Atile, “Bomba umulimo wa bukasabankanya wa mbila nsuma, fishapo bukapyunga bobo. Pantu ikese inshita ilyo bakakaana ukusambilishiwa Isambilisho ilituntulu; lelo bakailonganisha bakasambilisha umwabelo lunkumbwa lwabo lwine, pa kuba abapepeepula amatwi; ukufuma ku milumbe . . . ukwaluka ukufuma ku Cine ukuba ku milumbe.” Ngacakuti ico tacacitika, icebo pa cebofye! [Tapali mashiwi paciputulwa catepu—Kale.]

<sup>314</sup> Lelo, ibukisheni, nomba, ubushiku bumbi, ilyo Nshabelengele ifyakonkelepo kuli cena. Imyaka amakumi yataatu nayimbi intu Nashimikila muli ino ihema, tapatala apaba inshita nangu imo intu Natalile ukupitilila pali ico, kibili Nshishibe mulandunshi.

<sup>315</sup> Ine lyonse ndapapa, mpaka, ubushiku bumo, Namwene apo Yesu aimishe u Mufungilo nokutampa ukubelenga, kibili Abelengele iciputulwa cabusesemo, nokuleka, nokutila, kulya ku Kapenamu, Ena atile, “Kibili buno bushiku, ububesesemo nabufikilishiwa.” Cinshi cintu Ena tabelengele ifyashala? Cena cakumine ku Kwisa Kwakwe ukwa cibili. Mwamona?

<sup>316</sup> Kibili palya Nabelengele ifyo, ukwabula ukwishiha. Nasendele ico, kibili cena cali apo, pa cinso candifye, ku Southern Pine, South Carolina. Lulya lucelo, ninjiminina kunse kulya, ndelanda kuli Joseph Boze, nashintilile kulubali lwamotoka, Ine nacikete. [Munyina Branham alisha umunwe wakwe—Kale.] Paulo atile, “Ine . . . Abaume bonse nabansha.

Tapali umwaume uuli naine. Dema nansha; ukutemwa ubwikashi buno. Kabili Ine nomba . . ." Lolesheni. "Kabili kafula wamukuba ancitile ububi ubwingi."

<sup>317</sup> Moneni fintu Dema afwile atontonkenye: "Malandunshi, Nalimona Paulo aleshimikila i Mbila nsuma nokundapa abalwele. Kabili uyu ekele, alecula, umwinewine, ukusenda pamo nakwe, Luka. Lyonse lintu aenda, ukusenda shing'anga pamo nankwe, umwaume uushimikila Bulesa. Cinshi, Ine nali mumwene uku lenga umuntu impofu. Atile, 'Shikulu Akwebaule, kabili walaba impofu pa kashita.' Kabili nokuleka kafula wa mukuba uku mutamfyा ukufuma mu musonkano. Ndemona nalufya amaka yakwe ayakulenga abantu ukupofula. Yangu, ena nalufya amaka yakwe ayabundapishi bwa Bulesa. Lesa namwalukila."

<sup>318</sup> Nshile tontonkanya ukuti Dema aile kunse mwisonde, pantu Dema ali wa . . . Imwe mwalishiba ilyashi lyakwe. Aali wamulukalamba, ulupwa lwafyuma. Kabili alefwaya ukwenda pamo nebumba ilyashala.

<sup>319</sup> Lelo, Paulo, umubusu umunono Paulo. Bushe cali cinshi? Lesa lyonse alasuminisha ubupyungishi ukuba ngefyo, elyo abukatamika.

<sup>320</sup> Alekele Yesu ukufika pacifulo cimo. Moneni kulya. Ilyo Ena aleimya abafwa, ilyo Alicita conse cintu Alefwaya ukucita; kabili ukuleka umushilika wa ci Roma ukususula umwefu kucinso Cakwe, nokufwisa amate pacinso Cakwe. [Munyina Branham apanga iciunda cakufwisha—Kale.] Uku Muma pa . . . Ukumukaka icisalu pamenso Pamwakwe, nokutila, "Nomba, Namwishiba, bena banjeba ukuti Iwe niwe Kasesema." Bonse balya bashingulwike namatete, noku Muma pamutwe. [Munyina Branham apanga iciunda cakuma.] Batile, "Nomba twebe ninani auma a Kuma." Alishibe uwa Mumine. Uh-huh. Cinecine. Alishibe. Mwamona? Lelo ubupyungishi Bwakwe bwali mupepi nokukatamikwa.

<sup>321</sup> Cilafika lyonse pali ico cifulo apo cimoneka kwati cili sana, sana icanaka, mupepifye nokupwa, elyo Lesa acifwika icilongwe.

O Shikulu, lekeni cicitike. Lekeni cicitike, Shikulu.

Natukontamike imitwe yesu.

Nali Mutemwa, Nali Mutemwa  
Pantu Ena abalilepo . . .

Nomba Mushinshimuneni. Ifwe twacikwata ukufundisha ukwakosa.

Kabili ashitile ipusukilo lyandi  
Pa cimuti ca Kalubale.

<sup>322</sup> Natwimye amaboko yesu nomba kuli Ena.

Ine . . .

Nomba beni mu Mupashi, mwamona, "Nali Mutemwa."

. . . Ine nali Mutemwa  
 Pantu Abalilepo ukuntemwa.  
 Kabili ashitile ipusukilo lyandi  
 Pa cimuti ca Kalubale.

<sup>323</sup> Nomba, natwiminine, pamakasa yesu.

Mukalwimbo kesu akakusalanganinamo, ifwe twimbe versi wakabalilapo, twalaposhanya muminwe umo nomunankwe; versi yacibili, twalaimba kuli Lesa. Cisuma. Kabili elyo twalasalangana.

Nomba, natwimbe:

Bule Shina lyakwa Yesu pamo naiwe,  
 Wemwana wabulanda namafya;  
 Lyena likakupela insansa nokukoselesha,  
 Lisende konse uko uleya.

Ilyawamisha i Shina, Oh tepa busuma!  
 Isubilo lyesonde nensansa shaku Muulu;  
 Ilyawamisha i Shina, Oh tepa busuma!  
 Isubilo lyesonde . . . Muulu.

<sup>324</sup> Nomba, ibukisheni ici, nomba. Nalaipusha munyina umunono, kuno, untu Naciba nankwe mumuputule baminiti banono baptitapo; u—u musuma nganshi munyina, ni minshoni kuli ba Assemblies mu matololo lwauku lubali kuno; Ine nalaba ifyo ishina lyakwe litwa, Nalamulomba, ukutusalanganya mwipepo ilyo linefyé twaimba uyu versi ikonkelepo:

Sende Shina lyakwa Yesu pamo na iwe,  
 Nge nkewla kuciteyo conse;  
 Nalintu amesho yakolongana  
 ukukushinguluka,  
 Pemafye lilya i Shina lyamushilo mwipepo.

<sup>325</sup> Mona ifiwa ukuya nomba. Mwamona? Nomba, ibukisheni:

Sendeni i Shina lyakwa Yesu pamo naimwe,  
 Nge nkewla kuciteyo conse;  
 Nalintu amesho yakolongana  
 ukumushinguluka,  
 Imininenifye, nokupema lilya i Shina  
 lyamushilo mwipepo.

<sup>326</sup> Moneni icalacitika. Cisuma. Bonse pamo nomba.

Senda i Shina lyakwa Yesu pamo naiwe,  
 Nge nkewla kuciteyo conse;  
 Ilintu amesho ukushinguluka iwe yako- . . .  
 (Finshi fintu u cita, nomba?)  
 Pemafye lilya i Shina lyamushilo mwipepo.

Ilyawamisha i Shina, (Ilyawamisha Ishina,) Oh  
 tepa busuma! (Oh tepa busuma!)  
 Isubilo lyesonde nensansa shaku Muulu;  
 Ilyawamisha . . . , (. . . ? . . . mwamona ulya  
 mukashana munono . . . ? . . .) Oh te pa  
 busuma! (Isa kuno, we mutemwikwa.)  
 Isubilo lya . . .

<sup>327</sup> Ilyo mucili namwiminina muno: Inshita yakulekelesha Nali  
 pe hema, kuno (Uyu nyina alesekafye nokusonta kumwana.), uyu  
 mwana ali mufyakwendelako. Uyu ali apa, alebutaukila konse  
 konse, aleangala ubwangalo lelo. Bushe ico tecisuma? Shikulu  
 Alumbanishiwe. Nomba, moneni kuno: Mutemwikwa, toloka  
 nokubalanga, kulya lubali, ifyo winga butuka. Mwamona?

Oh, Ilyawamisha i Shina, (Ibukisheni,  
 Umulalilo lelo ubushiku, nomba.) . . . te pa  
 busuma!  
 Isubilo lyesonde nensansa shaku Muulu;  
 Ilyawamisha i Shina, Oh tepa busuma!  
 Isubilo lyesonde nensansa sha . . .

<sup>328</sup> Nomba natukonkamike imitwe yesu. Kibili mwibukishe  
 amapepo lelo ubushiku, nomba; kibili bushiku bwa Mulalilo.  
 Kibili bonse mwibukishe ico, ukutila, imwe mebali abena  
 Kristu, ifwe twamulalika ukwisa nokwisalya Umulalilo naifwe.  
 Ifwe tuleenekela ukukwata inshita iikalamba.

<sup>329</sup> Kakumba wesu umusuma, kuno, Munyina Neville, na . . .  
 Nibanga batemwa Munyina Neville? Tileni, “Ameni.” [Ulukuta  
 lwatila, “Ameni.”—Kale.] Umfweni, mwe babwananyina,  
 umfweni kuli ine ngo wenu . . . nga umo uwa muli bakakumba  
 kuno aba kwi hema: Ikaleni pamo na Munyina Neville. Ikaleni  
 pamo nakwe. Mwamona? Ena mubomfi wakwa Kristu. Ikaleni  
 pamo nakwe. Baibele Yatila, “Natulelongana pamo ifwe bonse:  
 kibili pali bufi ngafintu mulemona ubu bushiku ubwabipa  
 bulepalama.” Muleisa kumapepo, iseni; natuleisa nokwikala  
 kulubali lwakwa kakumba. Mwamona? Ikalenifye pamo . . . 

*AMASHINA YA MIPONTO* BEM62-1104M  
(Blasphemous Names)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, muli Cinshi Kubili pa 4, mu 1962, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb i ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)